

兩浙輶軒續錄

兩浙輜軒續錄卷二十一日

陳嵩慶 汪潤之 潘恭辰 朱方增 葉紹本

卞斌 馮璟 陳家驛 方元鵬 陳觀酉

章晟 鎖成 顧長齡 范爲金 許乃興

吳爲楫 程鼎 徐濬 張炎 朱天衣

朱桂 夏儼 柯萬源 許祖望 胡植

裘日和 洪光屋 施燮 黃懋中 周爲漢

劉侃 邵南金 周雋業 徐廷釗 史致霖

程希濂 余鴻翔 趙志鴻 鄭清彥 潘宗耀

楊德成 來煥 陳鴻壽 李富孫 周師濂

洪頤煊 潘國詔 張汝房 陳舜咨 華文漪

孫邦治 孫麟 陶聲 丁蘭 徐大陸

趙澄鑒 駱 尊 金麟應 祝 嶸 沈銘彝

王家英 任文化 張達慶 陸元錚 董名間

張本均 張熙純 陳榭箕 夏 鼎 朱 檀

程振萼 鮑 臺 王夢篆

兩浙輜軒續錄卷二十一

督學使者潘衍桐訂

陳嵩慶

原名復亨字復菴號荔峯錢塘人嘉慶辛酉進士官至禮部侍郎

杭郡詩三輯荔峯入詞苑大考一等升侍讀學士視學楚南緣事落職

睿廟賞還翰林大考又列一等升侍讀學士擢內閣學士乙

未

成廟垂問履歷以久歷詞曹爰有侍郎之

命乃翌日謝

恩歸即終于位生平作文思如涌泉尤擅八法以書名噪海內

和同年陸祁生楊花

如霰如塵思又牽惱人情緒落江邊淨因要向虛空證香夢
從他自在眠白易化縑防入硯春猶耐冷替裝絲無端點上
星星鬢可惜風情負少年

汪潤之

字雨園一字聽舫錢塘人嘉慶辛酉進士官至詹事府少詹事

楊振鐸曰聽舫少詹為馬樹藩先生高弟己酉周中駟車而少詹以弱冠領解迨視學滇閩識拔多經明行修

之士夫人潘虛白以孝聞亦
能詩子五人俱以科目著

王氏兩世孝子詩

潛德終有光不必在高位世澤能敬承乃克稱賢嗣美哉廬
陵翁至樂天倫遂父克樹子型子善繼父志兩世百年間家
法宛相示喪養雖無虧哀慕有餘思乃至草木微亦復嘉祥
萃繞樹烏鳴悲涉隴虎迹避凡此感召真壹皆精誠至吾聞
太原宗孝義代可誌又讀隴岡碑鄉望溯厥始今觀篤行彰
兩者均不愧況復至性成一門乃有二宜乎采風者封章達
其事重蒙

天語褒

恩榮極美備綽楔旣旌閭遺事更詳記上以銘

君仁下以徵世瑞徵歌寄一篇反復不忍置高誼信無儔令

德宜錫類所期賢子孫家聲永勿墜

潘恭辰

字撫凝號紅茶錢塘人嘉慶辛酉進士官至雲南布政使著紅茶吟藁

郭麐序畧紅茶有臺閣之詩有江湖之詩所謂臺閣者其志清愉其音和雅其詞金春而玉應其色虎炳而龍翔所謂江湖者其志幽以深其音哀以怨其詞與色誕曼似詭離奇芒習二者固判然矣緝雅堂詩話紅茶詩名最盛往還皆俊流一官萬里茲事不廢泛湖詩有迷茫不知處一艇搖春煙十字致佳琴鳴舊廬餞別頻伽兼山

楓落吳江可奈何布帆此去又煙波新翻豔曲和凝老舊領狂名杜牧多一劍恥爲州將客三杯應入飲仙歌靈峯瀑雨韜光竹好待春風約再過贈頻伽

不須涕淚灑江皋二十吳郎氣自豪萬里久隨山簡馬一官賸有呂虔刀當筵且共傾三雅對客猶能誦六朝好去臨歧

莫惆悵虞山落葉晚蕭蕭

贈兼山

朱方增

字虹舫海鹽人嘉慶辛酉進士官至

府志方增閣學士著求聞過齋詩鈔十二卷

慶甲子歲設法振濟有厚德
縣志方增閣學士著求聞過齋詩鈔十二卷

旨刊

布遇事敢言前後疏六七十害剴切勸諭得

詔陳奏一疏尤切要方增熟諳
朝章典故史館撰述號為通才著有從政觀法錄三十卷

緝雅堂詩話虹舫先生愛才若命遇寒賤之士尤加意

殊筆

加圈四聯詩由翰林院侍讀學士權內閣學士其第二至

第四聯云落葉滿階驚曉夢涼聲一徑動秋心夕陽古

渡仍紅樹斜月疎簾向綠陰此日籬邊聞語蟀舊時枝

上憶棲禽第六聯云瘦碧半叢餘弱草濃青十里減平

宸賞詩凡七言八韻其結句云獨有蒼松留勁節留霜雨露

九重深亦具徵胃褒宜其特荷
榮遇也

視學廣西使竣畱別諸生

帝德周無外同文

聖教昌相期作楨榦不自限榛荒獨秀畱題在灕江別意長
未須將片石爲我壓輕裝

朱貞女頻伽禮佛圖

往年使粵海風教乃所持

鬱林關庶常邦觀與余同登辛酉榜逾年卒於京其夫人甯氏未婚

守志嘉慶乙亥余視學粵西甯夫人亦已逝乃與之題權并爲文誌其墓其他州郡節烈或彙題或給額按部所至悉表

揚今復珥史筆貞烈期無遺

嘉慶丁卯余在史館議立列女等傳近復續輯一統志或議將

舊載節婦之無事蹟者悉刪之余力

爭乃獲存其續入者益詳爲彙列人生豈盡樂寡鵠尤堪

悲深恐泯苦節披覽忘神疲博搜徧海內稍佚心淒其側聞

吾宗女淑慎光庭楣迢遙關河隔芳徽難盡知哲兄登賢書

飛策來京師出示頻伽圖展讀涕漣沍茹檠十餘載淒淒白

日馳法輪渺難轉聊以遣哀思翻疑天地間造物何參差騷

雅溺汨羅忠藎沈鳴夷豈或川后宅亦有脩文時波濤砰然
起不惜雙鴛離生滅原泡幻所志良不移嗟哉一時嗇終作
千古期

葉紹本

字仁甫號筠潭佩蓀子歸安人嘉慶辛酉進士官至鴻臚寺卿著白鶴山房集

府志

紹本以文學起家不耐吏事嗜詩以唐為宗駢偶文及倚聲皆斐然可觀

鮑桂

星序畧仁甫詩春容和雅大率皆唐音也讀至仿

元遺

山論詩絕句崇李何之正軌黜虞山之邪說乃知

正聲

不絕於天壤必有人出而振之

吳嵩

梁序畧君少承尊甫聞訕先生家學又服太夫人之教含咀英華沈酣圖史其詩沈鬱頓挫惻怛纏綿尤

與杜

少陵元道州為近視前之絕艷驚才情思逸氣風格一變

吳城族祀忠義節烈詩為家明府之筠作

族祖諱景恩明正德時起

兵扼宸濠兵敗閩門四十
九人俱殉難事載明史

韋布徵奇節吾宗記大賢闔門飛血碧一死恥身全握爪痕

猶勁摩笄志共堅似聞嗚咽水終古下章川

東海田橫島平陵翟義兵但知鋤逆節邊計惜餘生慘澹風
塵色倉皇劍戟聲國殤名不沒虹氣貫秋城

狂豎稱戈日江淮勢不支中涓持國柄羣盜阻王師自困潭
灣戰旋看譙舍危匡廬峯嶄絕宜勒紀功碑

大義存名教天心若可憑幽光留俎豆厚澤到雲仍善政傳
三異嘉猷佇八能本枝連葛藟珍重拜嘗烝

書寄大兄書後

驚鴻不作行已散難復聚惟有懷侶心飛鳴自相顧憶吾前
年秋送君江之湄臨歧強相慰後會非無期相期徒繾綣歲
月三年遠燕山道路艱欲往羽翮短昨夜曾見君斑毛垂領
巾相逢雜悲喜絮語何頻頻豐盈犀角兒一一顏色好問我

來何遲牽衣競圍繞覺來知是夢淚落匡牀中銀鐙吐幽燄
猶作京華紅京華隔北斗天末徒搔首不識別來容眞如夢
中否似夢復何如空悲年運徂呼童緘素紙一爲諭離居

渡澱山湖書事

如山浪打蒼厓破半日孤篷悶無那開帆亟趁風色低一葉
瓜皮舂復簸澱湖團團二百里望極蒼茫迷戍邏琉璃汗漫
宿雨餘方喜全無點塵泥行行忽入元冥國暝色蒼然半空
墮似風非風濤非濤耳畔隆隆聲轉磨晦茫咫尺頓無見驚
起船窗捫燭坐前穿蘆渚歛空明方悟溪雲遮艇過江鄉五
月正蒸溼天澤氣交通噓呵化工元機誰復見漏洩徒因水
勢大茲行奇絕行未有或恐下觸蛟龍臥維舟斷港心始平
記取斯水不可唾

金淑人封腕孝行詩

慈烏善返哺棲息高樹枝亦有紫鵠儒采羽翩來儀珠松耀
首飾箇結施珈笄得升君子堂櫻悅何愉怡蘭滄奉甘滑鞠
臙進槃匱備得君舅歡榆景常熙熙亡何翁夢豎拂經筵顛
頤氣悟不得食藥石無所施夫人抱深戚涕泗紛漣洎有親
不能活曷以婦職爲所天況沈緜淙越難嘗糜徬徨四顧起
切切中腸悲妾心若銜闕翁命如懸絲稽首籲蒼穹爲計無
復之解我金錯刀掩我紫羅襪剝膚其茹痛嚙指同瘡痕青
麤齏刀匕赤箭調鼎藟含淚奉飴顏翁嗜甘如飴支蘭入陽
氣頓起白骨羸僮奴盡咋舌戚戚嗟咨豈飲帝臺漿豈餐
墉城芝至誠默感應天意重秉彝吾聞古純孝魏史傳多綏
胡迺閨穉聞至性能如斯懿徽比髮截奇行喻面勢昭然協

珩琚芳躅疇堪追湖湘有才子譽擅微雲詞示我刳腕篇德
象驚女師江鯉躍舍外乳姑忘其兒請編石室畧煒我彤管
詩

平定孫敏齋德行詩

我昔游上艾太行何厓屨蒼嵐四圍合雲氣生裳衣漚漚桃
川波曲折依巖崖其地險以固其民淳不漓誦弦徹里塾儒
雅追風詩山樞與蟋蟀如詠唐魏遺孫君負奇尙蘭雪惇天
彝讀書能植行翼翼志勿衰置田若善明貸穀似義儔講堂
新冠山濟濟列弁韋孝行尤所敦譽究義弗違坐是諸善行
餘慶流本枝鬱鬱聰明臺將將後隆基福乃及世嗣策名榮
冠綏三槐植於庭升卿字其兒我忝金匱職彰瘡實所司他
年獨行傳徵此質直詞

廬山王文成紀功碑

有明中葉其政吮將軍威武天綱滄居庸宵闕帝出遨羣小
競進紛螭蜩大甯助逆遺槩苗析圭洪都生蝮蚺周公輔成
乘石高貽謀奕世歌鷗鵑彬甯暗結締構牢濁浪欲激章江
濤丹風吹地黃霧祆尤來大槍同劫剽宮妝老漚志孔驕把
滑不聽西山樵疆臣伏鑕長吏逃一時鼎沸元嬰郊堂堂王
公坐江臯講學方欲窮羲姚忽聞奇警傳中宵拔劍急起星
芒搖指揮如意運六韜卷甲疾走聲無囂樵舍一戰頽雲燒
豐隆下擊長風號天王杵礮薜荔焦豈罕四布羅雉梟罔兩
膽落潛山魑貳負就縛封狐標生致不殊獬與獠銅頭頓伏
鐵額消手扶宗社還臨濠棲賢飛流三峽橋雲中五老時招
邀仙靈所集稱神寮磨崖大書石骨敲坐令逆節鋤兇豪西

江可涸石可培此碑終古留嚴幼子行三軍誰所教如公講學真不祧泚筆爲志師中爰大星奕奕東南交

古樂府一篇爲烈女鄧姚氏作

女河南洛陽人字鄧氏子出遊不歸女誓死隨

鄧氏事舅姑盡孝會姑病沒女乃雉經以殉

女姚家洛陽幼嫻母訓織紵縫裳年未踰笄父母以字人爲

定厥祥

解一所適爲誰鄧氏子天壽其名出游之四方東西南

北莫知所經嗟哉淑女何伶俜

解二

父母聞之大悲怒欲爲女

改適新婚非故女獨不欲生身已許鄧安得事二姓

解三

迺從

女志歸於夫家出入空房所奉惟舅姑甘旨滫髓朝夕毋敢

渝

解四

舅姑樂之無子而有子提甕汲井輒瘞十指嗟嗟淑女

孝如此

解五

天胡不弔姑病弗瘳哀毀柴瘠我心則憂妾無夫

翁無妻榮榮子立曷能朝夕相扶持

解六

嗚呼傷哉妾命實不

辰人世無復之不如從姑黃泉疾風吹折蘭蕙枝畢命朱絲
緡七 戚郇嗟痛謂女胡其良愧彼庸夫嗜利而貪生從一而
解 終禮非過情他年綽楔干青冥
八 解

海昌周貞女詩

獨抱冰霜節貞心可勵頑青廬儀未舉丹穴行能攀志自高
梁婦魂幾逐華山汝南留世德彤管紀嫺嫺

委贄宜從一純臣大節同情緣詩教正義補禮經窮石欲填

東海環真徹北宮曾褒陰氏烈願以播

皇風

涼水蘭孫氏守正捐軀事閔七十年余觀察清河始爲請旌烈婦

題王文成公思田紀功碑後

大藤峽斷妖氛弭又見思田烽燧起天留奇績待偉人翠石
高鐫馱蒙水猛濤構禍相侵尋車徒空駐紅江潯餘檠未殲

本失計流言況復搖人心先生聞命疾卷旆湖兵八萬戈鋌
會先聲曾記縛驕王何況諸蠻等狼狽壁門堅閉羣情驚忽
傳解網弢弓檠釜魚頓得釋鼎俎好生德信符天行受箠不
怨爭稽首督府恩深如父母久聞性體悟良知敢以凶頑抗
戎醜一言遂降七萬師分置渠帥羅旌綬諸侯眾建少其力
蠻疆從此隨鞭笞遠人革面消蜂蠆遂假軍威平八寨封狼
一旦化熊羆桴鼓千年靖邊界此功卓犖絕世無遠邇新息
近狄余彼哉璵璠爾何物青蠅乃欲淆鱗圖此碑遠樹蠻司
域心正誠懸觀筆力閱年四百未銷沈風雨羣靈護遺墨何
人荒徼拓苔文邕西太守真神君心傳正衍姚江學橫舍從
教廣異聞貽我全碑徑三丈蛟龍拏攫爭相向懷邊我正緬
前脩讀此真教神氣王映徒郎火盡通經弓弩何煩置堠亭

舞干此日思遺澤試認榕園樹影青

卞

斌

字叔均號雅堂歸安人嘉慶辛酉進士

縣志斌在常州多善政擢廣西左江道乞養歸服闋後補原缺內擢光祿少卿休致歸創建龍湖書院斌殫力羣經著周易通解尚書集解說文箋正論語注釋集古文略緯雅粵西風物略等書附冷譚觀察詩得春夏氣居多其膺顯位享盛名於此可卜體亦時有近盛唐者

送陳白雲宰青陽

朝曦燭羣冥賢者已皎皎名高責亦鉅道在官無小棲棲四十年及今未為早千里送驂駟肯使縶足老禮教生春風刑法變枯槁君子順性命於物固在抱泥茲水旱虐野食無宿飽庶幾得仁人惠民胥壽考

馮

璟

字玉章號小宋又號藥生慈谿人嘉慶辛酉進士官江蘇安東知縣

雞上詩輯先生詩不多作官安東詩六首深沈徘徊藹然仁者之言

谿上遺聞環官安東時河決大通口村鎮淹沒會天寒
冰合環履冰振卸親移戶口水裂墮水者再復親至潮
河隄徒步查核夜輒共災民露宿隄上居官尤盡心決
獄無辜者恆蒙開釋境內肅然俗爲改革後以前在虧
累爲上官所劾去官之
日里民頂香號泣送之
赴安東述懷

出宰雷封拜

命初

聖恩未謂吏才疏移將百粵煙嵐地來此三江水澤居謂選

白頭見奉海氣茫茫空向若河流滾滾渺愁予彼都聽

說鴻嗽甚撫字先憂策莫舒道出吳中聞安

陳家駱字待軒蕭山人嘉慶辛酉進

校官詩錄嚴郡教授時有二陳之目謂錢唐陳君澐
與君也君嘗然巨燭評文風度超逸從游多知名上

題湯茂才秋山晚眺圖

幼輿未免攫世網虎頭著之巖石裏秋風安得思尊鱸畫手
偏欲傳神似湯生瀟灑不猶人吟詩醉酒翩翩士徒以才多
爲俗累紛擾毋乃勞神理一幅空山紅葉秋對此定知情所
喜因知老坐巖阿人其心未必忘朝市

方元鵬

字振颺號梅樵自署漫吟先生金華人嘉慶辛酉進士官工部主事著鐵船詩鈔十二卷鐵船樂府

鐵船七律指

南甲乙編

縣志元鵬性孤潔不耐官事暇則扃戶長吟僦居京師老屋門徑蕭然忘其爲京曹官矣有買田西湖之志未幾引疾歸流寓太倉卒

阮元序略鐵船初貢於鄉舉主朱文正甚器之其詩博取典籍約以性靈朗密如李太白質直如元結奔瀉如任華怪迂如劉叉幽阻如李賀修潔如姚合孤往如方千知文正之所賞卓矣

咏明史新樂府

四十首錄八

承旨死死國史承旨存孤國恩國史畢竟非公成泰山鴻毛

誰重輕公死一人憐公生萬人笑履聲不似文天祥遺像羞
瞻余闕廟君不見鐵厓先生不下樓一枝直筆如春秋白衣
往還心悠悠七十老婦何所求

死國史

莫逐燕燕高飛毛羽新成入帝畿帝城高蕩蕩不是燕飛誰
得上古來參燕燕孤恩養成背距啄皇孫啄皇孫勿輕逐逐
燕飛來速取我子奪我巢當時只道燕易逐不知燕已成鴟

鴟莫逐燕

箇和尚目三角不識清潔宗唯談術數學黃緣入藩邸陰謀
佐帷幄帽加白瓦易黃病虎出飛龍翔不知何與僧家事博
取金紫身煌煌身煌煌亦不樂人爵如何敵天爵歸來徒步
問故人揮手但言和尚錯

和尚錯

冷面鐵冷無情都下小兒識姓名聞呼老鐵走且驚鐵在臺

朝貴懾白簡霜威手中挾鐵行部浙民喜赤日覆盆冤得理
君不見劫盜殺人叢莽中馬頭蟻蠊隨陰風又不見姦僧瘞
屍大樹下亂葉飄來走檐瓦鬼爲告神爲呵老鐵便是生閻
羅錦衣使者氣如虎老鐵捕之如捕鼠九閻不照余精誠飛
譖上聞天子怒天子怒旂校來殿廷抗辯聲如雷天怒不可
止老鐵投袂起臣生爲直臣死誓爲直鬼誰知嶺外有此人
天子亦知枉殺臣臣雖枉殺今爲神願爲陛下上除姦貪吏
下理煩冤民

冷面
寒鐵

劉縣花彈愈起縣性耐彈彈不已但知縣外輒不知縣裏深
一彈縣裏棘再彈縣露鍼君不見紙糊三閣老泥塑六尙書
道是縣花還不如

劉縣
花

軍如篋賊如梳土兵來髡我願兵遇賊不敢戰尾賊行代賊

殿賊來不殺人賊去兵殺民殺民稱殺賊持首報將軍將軍知之如不聞殺民殺賊何須勞吁嗟兮賊猶可兵殺我

土兵謠

蚍蛇之膽非輪囷椒山有膽周一身疏陳十罪批逆鱗膽已破姦邪臣截斷筋割腐肉鐵膽包軀大如斛碧血入地膽不消化爲浩氣衡丹霄

椒山膽

閨範圖藏禍府作序重刊義何取昨日揭妖書今日告巫蠱慈慶宮前白梃飛肘腋奇凶劇豺虎當時自恐多株連薊州男子原非顛後來言官議不息特起三案相句牽嗚呼哉前東林後東廠正人姦人名爲黨口舌不救朝家危落得忠良歸一網

閨範圖

槎歌

須彌山之英閭扶樹之精婆婆直上九萬二千里偷入清虛

之府覆照大地生光晶不知月中本無物女奪月魄傷天明
天公歲敕入萬二千戶七寶合丸脩眼睛眼中之翳決不得
吳剛弄斧空丁丁老蟾爬沙上天去醫瞎天眼成偏盲太陰
淪耀入蟠腹枝幹拉雜填饑坑其時下方伐鼓齊救月月雖
救出樹不榮枯株萎葉墮泥土沾漑不如弱草莖年深月久
足精氣自奮枝格相撐撐陡然吐燄高萬丈上與榆柳星芒
爭天公大怪此神物復敕雷火搜芽萌委之陰山積雪萬古
凍不死燒以陽烏烈燄千年枯復生蟲穿鳥剝更歷幾寒暑
餘此離奇一段枯槎橫槎乎槎乎女旣不能如大槩全年棄
臃腫又不能如豫章拔地誇崢嶸比之龍門之桐則女非琴
材謂是柯亭之竹則女無笛聲胡爲連年漂泊海沙上汨之
不濁揚不清匠石不肯顧樵豎徒相驚唯有銜冤之鳥什伯

來咿嚶天風晨嘯寒濤夜鳴駭膽慄魄涕泗交并感三山之
仙侶降列星之長庚崑崙山高二千五百里天河一綫直向
東南傾不用駕黿鼉不用騎長鯨客星乘女入牛斗識者自
有嚴君平青鵲驂騑素蜺揚旌仙樂嘈嘈彈琬珩笙天河織
女朝玉京玉皇敕女爲仙卿贈女支機之石光以瑩披女雲
錦之衣清且輕槎乎槎乎女慎勿再學少年之狡獪至使天
曹坐籍索女舊姓名

寶天歌

高不見崑崙邱大不見稗瀛海世閒浩劫總茫茫甕中自有
乾坤在長安市上逢醉仙飲我一碗玻瓈天混沌未鑿七竅
死盤古尙作嬰兒眠東南不曾虧西北不曾缺女媧何處補
天穿枉使其工額流血昏昏默默九重城天門守以醯雞精

億萬千年獨飛還獨鳴唯有中條一隻老蝙蝠時來問道呼
之以先生卻恨此老太狻猊騎箇紙驢躡世界賺得堯廷一
貂冠放他游戲青冥外此時獨坐吟嗚嗚不知口有文字無
又被伏羲偷一畫八八六十四卦演出先天圖甕中天從此
破日月五星時顛簸甕外齁齁有人臥醺雞且作蟻旋磨幸
其去中國道路阻且長世人初不識以意名之曰醉鄉醉鄉
人非醉眼看世人醉名利亦如狂國飲狂泉反以不狂人爲
異劉伯倫阮步兵李太白石曼卿數子得此味盎盎心和平
汨之不濁揚不清後一千年乃有鐵船子落地便擬糟邱死
道逢張公借得窮相驢蹙蹙蹙蹙不知行過幾萬里在家無
柰囚山囚出門復有愁城愁高高百尺臺無因築糟邱不如
請入護暫作逍遙遊罡風浩浩雲浮浮塵視八極塊九州垂

天一片黑道是大鵬翼不知醯雞精來巡釀王國人閒斥鷃
栖蓬蒿槍榆百尺烏能高幕天席地甕中樂陶陶安知螟蛉
蜾蠃侍側之二豪

祭幽曲

斜風嘯柏翁仲語撲面黃沙落如雨楮錢灰滅秋林根滴土
千年殘酒痕老鈴璫璫和法曲髑髏眼光燈焰綠

六十書懷

宦途身事兩因循六十年來散誕身酒伴有銜稱漫安水曹
隨例作詩人一重公案從僵李十載班資總積薪落得青山
決歸計摩挲汗腳杖紮新

勞心刻楮耗年光漫說平生古戰場通籍劣如鮎上竹嗜書
仍作鼠拖薑分無髀肉英雄嘆空有頭顱老大傷慚愧夢回

鐘一杵功名不利熟黃粱

昨遇唐生與決疑蹉跎將壽補非遲死而息我生奚樂壯不如人老可知快意童年黃犢健回頭暮景白駒馳縱饒噉蔗論佳境無奈情懷嚼蠟時

晚年情味只山林況與蒲團契分深人似在家僧有髮天教無子老休心庵成薜荔容量笏塔畧梅花謝摸金一炷香前脩淨業多生免受四塵侵

八詠樓懷古

翠珉摹搨字猶新衰草寒桐幾換春舊郭清餘一江水秋山瘦似六朝人何曾禪代關渠事轉爲才華惜此身莫向高樓閒縱目齊梁風月只傷神

咸陽

渭流東注華峰西蔥鬱山川望欲迷
瞥眼阿房三月火癡心函谷一丸泥
古今坐閱摩銅狄王霸全銷失寶雞
莫恃關河雄百二漢陵唐苑草萋萋

雒陽

荆棘銅駝春復秋繁華都逐水東流
文章價重三閭屋紅粉身輕百尺樓
永夜難忘西苑樂青春都到北邙愁
名花不管興亡恨傾盡豪家總未休

金陵

不見黃旗入雒歸渡江一馬又龍飛
依然帶水爲天塹從此金陵是帝畿
戰陣名流揮白羽清談子弟住烏衣
空餘六代殘形勢古月無情照舊畿

蜀都

誰記蠶叢國始開一聲望帝總堪哀盤山已被金牛誑分鼎
重煩木馬來營壘尙存思將略劍門不守歎奴才紛紛割據
成何事銜璧降王又幾回

姑蘇

一曲吳趨唱未終千年遺俗轉愁儂延陵公子開文物越國
佳人誨冶容寶劍墜來成虎氣金桐銷盡有麋蹤遊人莫漫
憐歌舞聽取寒山半夜鐘

遊金華山三洞歌

我本丹邱子來尋赤松遊潛岳峰前襍被宿清晨摩足登山
陬危岡十步一憩石坐聽山泉出谷戛擊鳴琳瑯青巒潑眼
來四顧相環周一峰欲落一峰起雜沓如走羣羊牛洞天豁
石扇古木枝相樛老龍擘開青玉嶂壁閒蛻落頭角如雕鏤

蝙蝠掠面飛藤梢挂輕柔清冷一脈出地底別有異境供尋
按誰能盤礴解衣入拍浮兩手如沙鷗聳身蒼龍脊更踢蒼
龍頭半腹泄陰霧未到寒颼颼忽聞四山奔騰劇風雨地軸
翻倒黃河流晶簾百丈挂深黑跳珠噴玉不得收便思揭去
冰壺頂玩此一片銀河秋振策上朝真山路仄且脩回看眾
峰俱在下仙家樓閣縹渺烟中浮金梁玉柱妙斧削天光一
綫開昏眸忽然風吹炬火滅山靈似怪窮深幽舉筇叩石壁
挹袂招浮邱丹光走金雞白雲鞭素虬道逢牧羊之兒叱白
石馴鹿之女耕青疇塵一窖土一抔英雄事業黃腸休不如
從汝學仙去撒手脫卻囚山囚

陳觀酉

字仲博號二山錢塘諸生著含暉堂詩稿

抗節詩三輯二山篤內行母目贅瓶之復明年三十喪
偶不再娶嘗從高螺舟太史使疏球詩乃益壯佐李藹

如方伯修贛州府志世稱精核

秋日遊孤山分韻得雨字

秋清游興發出郭行數武煙波一鏡平西山撲眉宇柳外盪輕舟渡我上孤嶼湖澄鑑峰嵐山響答人語曲港留枯荷有鶴聽殘雨幽徑踏盤紆閒雲時散聚緬懷處士風令人薄簪組

高螺舟編修

人鑑

使琉球冊封邀余同往將行留別都

中諸朋好

詞曹星使約同游東海乘槎貫女牛雲樹暗縈臨別酒雪花濃上辟寒裘首途自昔輕千里眼界從今拓九州漫說鯨波深不測好吹長笛起龍虬

滕王閣用壁閒金海住侍郎韻

帆收閣下快登攀
俯仰興懷百尺閒
歌舞銷沈留舊館
畫圖明淨列西山
千年江水流長在
一代才人去不還
日落煙凝渺無際
卷簾坐對落霞閒

放舟那霸港游奧山龍渡寺

絕似故鄉蘆荻洲
雨餘乘興蕩扁舟
短篷入畫容趺坐
小榼流香助勝游
捫葛靜探龍洞古
聽松涼報寺門秋
沙隄回望無多路
水抱雲飛境轉幽

章

晟

字南垞號竹亭錢塘諸生著自怡軒詩稿

陳鴻壽傳畧先生有才調久居幕府嘗勸東修以助資
士某縣歲祲賑濟乃博攷救荒之典諄諄所主實力舉
行活者無算

述懷用杜韻

甲辰來山左屈指七年久
丙午秋南旋陽月復東走
雖甘原

憲貧天寒時見肘驅車至濟南對人慚老醜幸有親故存解
衣亦云厚濰陽有去志朝夕常緘口寄懷在殘書惟問有酒
否自來海曲閒山行避村狗前年痛鵲令夢中聚北牖田荆
傷零落姜被泣衰朽棲遲忽三年離合原非偶平生志未遂
抑鬱但搔首今欲寄家書又在九月後碌碌苦依人歲月非
已有投筆讓班生我今將止酒何當策蹇歸逍遙學莊叟

羊流道上

斜日落村店驢嘶征驛閒風欺春淺柳雲度雪殘山對鏡驚
班鬢開樽破旅顏傾心羊太傅千載一追攀

鎖

成

字彥韶號吟竹錢塘諸生著吟竹山房詩

杭郡詩續輯吟竹幼從舅氏馬秋藥太常游得授詩法
居京師與四方名士相倡和性恬淡真營所著有蛇略

三卷然棟
錄四卷

試蟹殼泉

山深有石蛻其色黝如鐵云是蟹遺筐何年化爲石石中生
微涎吞吐自藏溼甘逾鳳珠清色勝墓頤白至今山下人瓶
器小容汲我來試清冷迴與江水別煎茶固其宜釀酒亦甘
潔

楊鐵厓讀書處

吳山山下讀書墩訪古空懷無限情跌宕歌行誇鐵體評量
風韻屬瑤英國亡肯畫蛾眉嫁名重常操牛耳盟我欲林閒
吹玉笛梅花三弄憶先生

顧長齡

字雲田海子
錢塘諸生

杭郡詩三輯雲田工詩善畫濡染庭訓爲
多小山深處者蘄州署後園中勝概也

小山深處四宜詞

小山深處好吟詠最相宜得樹因為屋論心獨有詩一番中

酒意幾度倚闌時更愛秋光早香風動桂枝

詩宜

小山深處好繪事恰相宜縱目原如畫揮毫卽是師精神摹

古意幽暢寄今時落紙淋漓甚天然儷妙詞

畫宜

小山深處好度曲亦相宜逸韻千雲表清音繞水湄晚風三

弄際長笛一聲時天籟尤堪聽林禽百嘯隨

曲宜度

小山深處好習靜更相宜默爾非成隱公餘足自怡襲衣薰

座久畱篆捲簾遲獨得忘言樂居然太古時

宜焚香默坐

范爲金

字蘭宮號衣冠仁和諸生

丁立誠曰衣冠先生善入法其肇窠大字幾亂山舟學
士之真哲嗣楣孫方伯官北路同知時迎養署中每以
盡職爲訓日所視事輒詳詢
之必政平訟理心顏始霽

題鍾進士象

殷雷走地驟雨傾龍風四捲龍氣腥高堂獨立無所營用力
欲與神物爭案有長牋一幅橫灑筆急寫鍾馗形雙瞳睜陽
秋天星五嶽寵嵒挂眉稜短衣獐染青霞春寶劍出鞘驚寒
冰虬髯拂拂怒不平便欲白日搏妖精吁嗟山精木魅動成
把更願埽盡人間藍面者

許乃興

字保齋仁
和諸生

緝雅堂詩話保齋長于近體如水淺魚初上風酸雁
不肥岸薺映漁網風柳拂歌筵均可誦惜不多見耳

金亞伯

應麟

重修僉事公墓徵詩

君不見虎豹張牙發哮吼豺狼當道驚蟠叢句連罔兩爲之
黨呼吸風雷出其口又不見冷炙殘杯效乞兒曲跽擎拳學
婢婦黃綠巧作登進階日夕侯門競奔走古來婁護喜嘗鯖
事去李斯歎牽狗安得有若明金公清風兩袖才八斗功名

得失亦雞蟲所惜，幹略虛抱負。假使宦途無挫折，早進鵷班立。朝右揚糝掃，卻喪志徒繡。袞獨具補天手，一時勛烈豈不顯。一生報稱豈不厚，無如屢被姦儉阻。竟至退作煙霞叟，噫嘻吁嗟乎悲哉。問天呵壁空搔首，尙幸不爲狡獪害。旣明且哲，以保守行行，踏破孤山路。泉石擬結同心友，至今二百有餘年。西湖吟社尙在否，墓木已拱墓草荒。誰歟拜奠椒花酒，乃有族孫舉孝廉。追念公忠越世九，臨風展象生感泣。如見掀髯晉羣醜，公之神兮公之靈。千萬億載徵不朽。

吳爲楫

原名爾梅，字和甫，號嘯雲，仁和諸生。官四川大竹縣丞，著大能寒軒詩鈔。

吳慶坻曰：先叔祖少游蜀中，後得徵官，非其志也。晚年就養于秦，復僑寓于蜀。日課諸孫爲文，嘗輯宋人小說類編大者，可以資攷訂。博聞至碎事瑣言，亦足爲譚柄之助。

漳河銅鴨鑪歌

并序

乾隆初漳河土人剽地得銅鴨鑪腹篆孟德二字又
隸書銅雀東閣四字陸敏齋時過漳河購而藏之繪
圖徵詠爲作此詩

君不見銅雀臺漳河水上高崔嵬臺傾銅雀亦飛去繞樹烏
鵲聲何哀又不見銅鴨鑪漳河水底埋泥汙河清銅鴨忽飛
出含風迷迭芳紛敷瑣瑣升沈何足感憑弔興亡一俯仰橫
槩詩悲鐵已銷臨江酒冷波猶蕩停車河畔草青青漁梁打
網鴛鴦驚孤鷺齊飛霞外見夫渠摹寫水中明其兄承魏王
小印鐫鑪腹浪戰沙磨斑未駁玉鳬幾輩入西陵銅雀何年
起東閣繡褥橫陳六尺牀睡依冰井夜生涼雙掩翠衿銜篤
耨偶拖紅袖惹都梁對酒當歌鳬脰短銅盤露冷華林苑一
朝鑪柄付他人金鳳銀鵝各分散賸有龍涎換夕熏鄴宮餘

燼此中存傷心戲鳴人何處回首分香火不溫瓦硯隆隆磨
未了薰籠扶出金衣鳥姦雄遺臭物自芳器惟求舊鑪堪寶
披羅彘鼎共鋪陳愛古鍾情邁等倫多少銅駝埋沒盡洛陽
門外更何人

雲陽縣

儘有宜人景無煩作賦才夕陽魚網出細雨酒船來神女原
如夢巫咸更可哀客心泥上絮何事泊陽臺

明成都教授何公雙忠墓詩

并序

崇禎末流賊張獻忠破成都教授何公登明倫堂擊
鼓集諸生無一至者夫婦遂縊死瘞於右偏都人士
相傳爲教授何公墓而失其名雍正九年觀察使劉
公嵩齡立石表之曰雙忠墓乾隆初建祠事載郡志

戰鼓聲中響鼙鼓無一生徒上堂廡學宮豈有從賊人非明
且決斯焉取力不能勝一匹雛搏賊不得賊手茶學宮以外
非死所雙虹繞殿悲風趨鼎移物換殘碑仆名氏無從稽掌
故故老但呼何敎授夕陽一角雙忠墓猗嗟吁臣死國婦死
夫綱常端賴司鐸扶埋香好在泮池上騎箕相對櫺星隅傳
與不傳分外事豈爲弔客供歛歛特建崇祠隆享祀魯壁金
絲同合止潛德幽光大表章千載而下聞者起君不見題詩
徐令有句云敎忠敎孝正宜此

富林驛弔桂軍門

并序

癸巳正月土司馬龍燒富林驛反軍門帥師屯此沒
於軍夷亦旋服驛旁有地舊名桂皮落今築一墳以
表之

燈宵怒觸夷酋醺星河濺血火樹焚風馳雨驟旗鼓集從天
而下飛將軍將軍慣向沙場臥百戰威名毫不挫虎鬚如雪
猿臂健眼底梁山箭絲唾兵符不下可奈何夜聞留守呼渡
河陰風吹折月中桂此地真成落鳳坡懷柔自古安邊策依
舊春燈紅滿驛祇添江上一孤墳芳草淒淒埋碧血

次韻碩農飛來鐘

并序

原詩序云建昌郡白塔寺唐時建也殿後懸古鐘一
口高一尺上徑五寸口僅五寸餘厚五分重約三十
餘斤身有三十六乳盤鈕花紋左有篆文曰林鍾中
聲右曰內奉字磨蝕欲平無年無代老僧云相傳自
西藏飛來者

飛來鐘問胡不在名山勝境之靈峯雲雷古篆內奉字知非

野寺荒寮供何年棄擲西徼外番饒胡益羞錚鏦鴻材非可
寸筵擊節奏自發如風松已甘埋沒香積底編懸誰辨笙與
鏞有唐古寺建白塔幡蓋大啟金仙容非無鐘魚皆細響不
脛而走來駢邛霜宇風清下元鶴天池夜靜驚潛龍獅王呵
護歷年久不與劍戟同銷鎔三十六乳環帶滿但有睥澤苔
痕封林鐘中聲中六呂高下我欲咨瞽宗賢侯博物冠今古
崇論宏議時橫縱蒲牢爭向筆底吼鯨呿墨沼奔濤洶搜羅
金石到法物非若檐鐵聲丁冬深山作宰十餘載每聞晨杵
心惺忪鐘鳴鼎食滿曹署浮金碧玉多庸庸爭如此鐘能不
朽韻繞樂銑清而丰君侯本是清廟器要與鳧臠追垂蹤循
良報最書上考如彼振鷺翔西離景陽鏗曉紫衣引五色雲
氣懸聞從崇牙樹羽東序上嘈吹鞀鞀隨所拊和聲鳴盛在

今日知音師曠非難逢君不見飛來鐘

程

鼎

字方雨仁和諸生官河南縣丞箸無說詩齋吟藁

寄心盦詩話方雨詠楓葉云楊柳心情同落日芙蓉遭遇各西風爲一時傳誦咸以程楓葉呼之其詩屋遂曰楓葉庵

寒食得家書

塵網脫不得西湖今若何桃花穠水色邱墓冷巖阿韻事忙中少山心醉後多怕增鄉思重猶復任狂歌

華州館舍聽雨

客舍已岑寂兼之風雨聲一燈伴趺坐萬里念歸程湖上家何在江頭夢易成年顏非少日愁絕華州城

徐

濬

字秋鶚海甯諸生箸秋鶚詩藁

吳騫序畧秋鶚刻苦好學詩文下筆數千言如夙構頗爲老師宿儒所矜許願體羸善病又連不得志於場屋

益發憤自厲揣摩研索窮晨夜不少休家人屢勸之弗聽疾既劇猶作詩寄兄往復敦勉垂百十韻可悲也吳振棫曰秋鶚嘔心苦吟年二十六而卒猶少長吉一歲其室人亦能詩耐冷譚載其和秋夜寄內作云幾日天香發桂枝好風吹到隔簾時羅衣欲換添涼信純弱難拋愛舊詩午夢乍回人正倦秋情無賴蝶先知憐儂不解迴文字漫向紅窗理繡絲姓氏未詳附錄於此又按海甯有莊香海桂者與秋鶚同時人工詩善八法早年以療疾卒其詩如訪菊云能消幾兩平生屐偏耐重陽風雨秋愛菊云秋入夢中曾有癖澹於言外得其真晚菊云高人風格貧方見名士文章老更成皆清雋可喜惜無從得其全什

讀袁孝子傳

井序

上虞袁翊元字羽公號藏愚初父以刲股療親疾里黨以孝聞母陳氏年邁邁疾元躬侍湯藥罔倦一夕出延醫家人不戒於火子若婦號于門門已燬元狂奔至從火燄中入燄黝然黑不得入出而復入者三迷逕所在則大叫曰豈竟置母於火耶復踏火徑入

踉蹌抱母出頭額焦爛不可忍母竄入水出不逾時
旋卒元痛母亡絕而甦慟哭數日亦卒邑人朱文紹
爲立傳且徵詩焉

父割股生孝子母遘疾委牀第延醫歸門已燬子號咷婦悲
嘯母存一息孰捄之奔號赴火煙塵迷黑風捲烈燄飛呼天
大叫負吾母三入三出火中走壯哉焦灼及皮肉此母乃免
其姬續出火中難再生投水中忍獨生三日哭淚盈斗兒願
地下依左右烏虜孝烈如此古未有身已糜名不朽

灘行

驚翠撲人面灘勢忽倚伏乍愁谿山窮不知路迴曲遠嶂起
朝謳乃在漁家屋布颿得風健亂與白雲逐叢樹鬱翳翳其
上出飛瀑但聞山鳥嘯春深破萬綠

春煙和姚鐵人

鑑

江村風景最相思，鷗去夷猶冒柳絲。
雙蝶尋香頻誤處，一鳩催雨亂唳時。
簾垂畫檻深難護，花落閒庭靜不知。
好與嫩寒輕約住，綠肥紅瘦也相宜。

碧空風定自橫斜，轉礙平堤幾曲遮。
攬入絮痕飛水面，慣隨草色到天涯。
隔江雲樹參差影，欲暝漁莊四五家。
何處籜籜聲催簌，簌初篁深處試煎茶。

張

炎

字光斗海甯諸生

海隅遺珠錄先生無子晚境益困其詠蓮房殷云自昔有心還自苦到今無子總成空可謂工於寫恨

和陳誰園晚泊半山橋元韻

繫纜皋亭下，長橋碧澗東。
飛霜秋樹淨，落日晚山紅。
笛咽幽村裏，鐘鳴遠樹中。
最堪心賞處，黃葉戰西風。

朱天衣

字退寮嘉興廩生

胡昌基曰先生爲予同年雪君廣文曾之父性純孝行誼端慤尊人西林先生病劇嘗割股和藥以進病獲痊生平無疾言遽色至欲干以非義則藥不可犯終日正襟危坐雖盛暑不袒裼露體其律已之嚴如此年六十餘杜門著述政迪後進從游者如坐春風中

擬韋左司藍嶺精舍

山翠高潑天層巒聳萬丈上有幽居人結宇精以爽松風發天籟雲氣靄軒桃一室臥煙霞精靈互來往吾欲躋其巔憑欄寄幽賞豈不憚崎嶇愛此極清曠策杖登雲梯悠然出塵網

飛來峯下散步探冷泉源

兩閒結奇氣萬竅攢靈根眾皴非一狀奧窔中所存我步懸崖下舉頭仰覆盆乳竇滴殘響陰壑淒清魂走蟻珠九曲盤

馬雲千屯恍惚闢妙境一綫青天痕宛轉訝龍伏崢嶸知熊
蹲豈必上高嶺眾妙良吐吞蹀躞冷泉畔雪浪時飛翻攢探
所來窟活潑難名言

朱

桂

字林一嘉興諸
生官清安教諭

六月十五夜泊辰谿對月

萬里一輪月波光上下浮故鄉當此夕清影入高樓萍梗憐
蹤跡壺觴強勸酬明宵何處宿雲擁楚天愁

夏

儼

字伯欽號守白秀水諸生著
清琅室詩鈔二卷續鈔一卷

顧列星序畧守白能讀父書攻詩善爲古賦舍傍小築
竹樹翳鬱據梧吟嘯灑如晏如不知白日外尙有紅塵
其高致如此

偕金

式圭

自竹林寺至獅子窟

鶴鳴遠山碧夕陽澹高春欲探獅子窟一徑穿雲松手攜綠

玉筇腳蹋青芙蓉林深響樵斧磴仄迷行蹤僧寮三五閒薜
荔延蒙茸嵌空兩石室中疑宅蛟龍金子躍身入余亦欣相
從長歎萬壑應囀若洪鐘留題剡苔蘚翫奇豁心胸出谷
嵐翠合片月生東峯

郊外尋春

忙殺山翁曳杖尋惜花人有惜春心亟酤濁酒醉千日直把
韶光抵萬金草色未凝隄外碧鶯囀纔變谷中音郊西聞說
梅如雪分付剛風莫暗侵

泊舟孤山下尋放鶴亭故址有羽士攜薜俱客草屨布
裘語無塵雜喜贈以詩

黃鶴不歸山山光黯無色空留放鶴亭千秋伴泉石林巒澹
夕暉杖履入寒碧道人矐似鶴烹泉供行客得非鶴背僊謫

此守孤僻不然鶴所化何年隊雙翮湖淥奪秋瞳氣清神更
寂誅茅弄雲水絕粒餐松柏高騁談天口元機不可覓榜師
促歸橈空亭月華白出山橫翠微竹露滿船滴遙聞鶴唳聲
蒼茫杳無跡

柯萬源

字小坡嘉善諸生
著墨磨人齋集

府志萬源四歲能辨四聲稱神童詩賦秀麗驚人以
醪賦受知山陽汪文端病小學廢置授經宗經典釋文
匡謬正俗學者翕從駢語矩矱唐賢于王輔文為近著
有周易名物類考禮記鄭陳同異考陳迦陵四六注
鐙窗瑣話小坡丈居斜塘鎮鎮有狎漚
亭自號狎漚亭長工四六尤喜填詞

臨平道中

水蒨花傍夕陽明漁艇爭喧趁晚晴著眼好山青兩岸亂蟬
聲裏過臨平

茆舍依稀一半遮炊煙起處有人家未知何福能消受香煞

門前白藕花

渡江

江上青浮數點山
好風吹度片時間
前灘鷗鳥真無事
冷眼看人去復還

許祖望

字午莊石門人著覆瓿集

白嶽庵詩話午莊性
和易喜談諧年六十餘蒼髯丹脣
接之如坐春風中嘗客黃湖湖有梁
久圯鳩工成之未幾遭寇亂爭道走
避賴以全活無算

雜詩

南山有喬木
柯葉紛攪拏
黃鳥一何幸
巢居寄生涯
置身蒼翠閒
羅網何由加
恃茲後凋心
永遠樂歲華

涼月

涼月忽在地
清光淡不收
宵深人未寐
落葉滿庭秋

胡

植字槐堂號古愚鄞諸生

懷古

我懷牧伯良所務風教首禮讓變法律能使俗尚厚聖像石
室鐫孔道燦星斗漢興百年開治術得未有吏治判盛衰關
繫視魯爰斯文苟欲喪學校陳械杻遐哉漢文翁卓立誰與
偶

裘曰和

字協恭慈谿諸生著隅園詩存

烈女詞

并序

烈女氏章隸鄞之西鄉年十五字我裘夫蕩遊京師
不歸父故農家貧又以女年長大因媒氏歸我時年
已十八矣閱數年凶問至女於夜深卽投繯云

鄞有農家子縞綦在蓬室未聞姆氏教貞靜由生質十五初

問名絲蘿繫良匹十八歸夫家夫婿方遠出夫出久不歸獨
且見芳潔言笑奉姑嫜紡績勤補綴如是五六年前後同一
轍京師三千里道路殊闊絕魚沈雁不飛此恨向誰說音書
忽然至春光此一洩鄰婦走相看奚勝翕翕熱姑願加餐飯
女亦心夷悅誰知書中言字字慘霜雪烈女大悲哀呼天訴
永訣生既不識面死則誓同穴中夜具湯沐全歸三尺帛寒
月光皚皚悲風鳴烈烈淚血滿衣襟天地爲崩裂

夜泊西江

漁火連江闊江舟繫纜時風高孤雁疾天冷晚潮遲薄世隨
波轉輕船賴舵維揚帆無疾駛水底有蛟螭

洪光屋

字鴻泉餘姚諸生著小眉山館詩稿

翁元圻序略鴻泉不汲汲於功名不營營於貨利年未七十有子八孫十二曾孫二奉杖舍館皆詩境也春鳥

秋蟲皆詩興也信口而吟盡興而止昔白太傅自序其
在洛之詩曰苦辭無一字憂歎無一聲溥泉之詩其殆
之似

施康時序略先生居峨山渚水開其地四達通衢舟航
叢集市井紛囂先生之廬退越數十步若前朝川而後
盤谷入於其中可以自適其適故其爲詩也月
夕花朝酒邊鐙下皆隨境所遇疏達舒暢之作

新晴

檻外春晴足花前鳥語和苔茵隨意坐詩侶偶然過舊稿仍
刪削新書久揣摩放懷一沈飲未覺老顏酡

訪芸谷老友

一住港以南一住港以北日夕成往還倡和無休息君固持
躬厚我亦秉性直相看兩白頭談笑無終極夕陽已挂山短
章寫胸臆

施燮

字乃雍號南榮嵯嶺貢署
於稽教諭著南榮詩稿

縣志變性至孝父母年邁意或不合變每晨跪作孺子泣不得親歡不起署烏程龍游昌化雲和景甯於潛教諭善畫蘭工詩了彰字葭帆諸生亦善畫著畫家易知錄越中名勝詩蔬荀齋集十八卷

秋日偶賦

獨向秋林悵落暉小山叢桂正芳菲寒潮荻浦鱸魚上衰柳江村燕子歸
檣檣西風欺菊圃娟娟涼露溼蘿衣何當揀得釵頭茗手淪清泉此息機

黃懋中

字東山臨海諸生著霞秀樓詩存

尋雲峰寺

紺宇深藏疊嶂西到來頓覺萬山低舉頭峰外天疑近撒手雲中路不迷
夢覺雪消千澗碧坐看春煖百花齊尙餘荒冢埋忠節幾度捫苔認舊題

暮春訪靈鷲和尙

絕巘崔嵬碧漢閒偶攜筇杖叩禪關平鋪疊嶂雲千片斜鎖
遙林水一灣清晝鳥嘯春寂寂空山雨歇澗潺潺老僧煮茗
爲清供聽話無生暮未還

周爲漢

字倬雲浦江人著枕善齋詩鈔

家傳略倬雲少負才氣文名藉甚嘗馳驅於關隴京洛
閒與當世士大夫游歡若平生張船山楊蓉裳諸君時
與唱和屢應京兆試不第奇於遇
而長於才故集中多感慨之作
孫松章跋略倬雲生長甘肅性孤介工詩馳驅孤
塞氣甚悲壯中更家難幽愁憂思胥于詩發之
張問陶題詞兵甲蟠胸出風雷下筆分奇情真過我大
敵僅逢君妙手還修月雄心自扶雲騷壇此年少嶽嶽
軍上將

銅雀臺

衰草何蕭條落日竄狐兔荒臺問銅雀猶對西陵墓
來驅征車憑弔爲君駐寒煙莽平蕪回颺吹獨樹不聞歌吹聲鳴

咽水東注

潼關門

盲風吹日旌旆愁亂雲作隊環成樓霜天黯淡門晝閉鳴鳴
畫角吹高秋怪峰昂首望平野似約遙山到關下相招卻立
不能前中間河勢如奔馬古今險阻推秦中此關扼要尤稱
雄竭來憑眺駐我馬壯哉果足開心胸當年爭戰無人紀昇
平不復論形勢守兵醉臥官吏閒老卒抱關索逋稅

出都至保定途次雜感八首

錄一

平野荒荒白危樓隱隱紅濃雲吞落日碎石迸旋風寒重裘
偏薄心孤劒不雄客懷易寥落不獨感窮通

水泉子曉行車中作

黃塵攪雪不成白惡風南吹我向北寒稜刺面尖如刀懸泉

溜壁悲猿號巨石出山占官道堅冰壓水成長橋車中袖手
齒相鬪鼻息噓裘冰作豆馬蹏得得近荒村人說有虎纔到
門

小除夕祭詩

人生不合耽詞賦十年落魄天涯路胸安爐竈心火然煅煉
窮愁作奇句惜哉無補空勞神短歌低泣成就君靈明凝結
不復散我身易老君則存寥寥當世誰相憶甯保後來有人
惜縱是遭逢遇賞音君誠有幸吾甯識怪君絡繹如爭先辭
我走上銀光牋瘦我肥君計良得姓名僅識隨君傳況我因
君摧挫久害皆付我利君有我窮日甚君日奇君逾壯盛吾
衰朽不待除夕陳尊罍祭君再拜開虛齋誓當從此與君絕
願君莫更源源來

社日野行

邊春賽社尋田家偷湫乞雨蜂鬧衙長杠彩旗晚虹挂圓釘
畫鼓晴雷撾龍鱗疊碧麥浮野虎眼轉紋泉噴沙獵風菰蒲
水葉戰帶露檉柳煙絲斜村情山趣足清曠鶉居穀飲紛呶
啞嗟彼婦子亦足樂令我鄉思盈天涯何當蹤跡謝凡路故
鄉歸去棲金華親栽綠梅鬪香雪自種紅朮耕明霞三春呼
朋醉佳醞四時結伴尋名花此意未遂空歎息森森萬樹曉
昏鴉惆悵騎馬入城去卮酒聊爲治聾聵

賣兒行

平涼途
次作

平田麥短風簌簌去年亢旱今年續囊無餘布炊無煙不惜
孤兒換斗粟但得兒去足衣食有人肯買甯論值可憐母泣
牽兒衣兒將別母兒未知丁甯兒莫貪嬉戲不似在家依母

時貧家嗁哭富家喜
馱錢販人向城裏
清晨敲戶誰喧呼
縣官遣人來買奴

水月禪院卽事

紗櫺六扇屋三椽
蕭淡渾忘五月天
心靜不嫌門若市
僧忙翻覺客如禪
鄰園老樹分青蓋
傍砌新苔贈綠錢
懷刺尙聞多觸熱
藤牀輸我枕書眠

蒿店曉行

路險古蕭關
連峰木石頑
燐青狐拜月
風黑虎搜山
殘夢暫時續
浮生何日閒
傷心隴頭水
流涕聽潺湲

邠州阻雨有懷鑑湖

修竹高梧惻惻鳴
連牀兄弟話三更
而今獨自攜書劍
來聽蕭蕭夜雨聲

劉

侃

字諫史一字香雪江山

劉侃字諫史一字香雪江山
所輯有跋畧先仲兄天性孝友嗜古治聞務為有用之學
均齋志以史鈔及香雪隨筆等書既久困諸生裏程游成
劉履芳撰事略吾邑荒僻題有知詩者自府君與徐先
生履誠輩為之倡自後風雅一道彬彬可觀讀書精於
校勘尤長輿地之學所學深造自得非耳食稗販所同
身後著述半已零落惟詩藁尚存吾父在白門為校刊
之

晚泊龍邱

向晚龍邱路扁舟宿蓼灘岸燈棲鳥定江露夜漁寒共說浮
名易爭知世路難杖頭沽濁酒醉把劍鋒看

秋獵

塞草帶斜暉將軍出打圍餓鷹摩翼下快馬驚雲飛弓響禽
先落霜酣兔正肥何當從李廣射虎霸陵歸

秋寺

蕭瑟山中寺秋光淡佛容猿清三界月鶴警五更鐘梵響通
疎葉禪心寄老松遠公開社後桑落酒方濃

不寐

一榻屯愁處披衣起轉頻庭涼蟲入座夜靜月親人荒歲交
情闕秋成比戶貧山中無響柝牘有苦吟身

鄉婦歎

道遇鄉閒婦前後來相續敝衣不掩膚面黃瘦無肉旁人前
致詞婦皆予鄰族今歲逢荒饑田家貧無粟男子遠力食遺
此閨中獨飢來驅出門忍恥甘奴僕見人強舉顏沿門勾餽
粥婦人拙謀生那能辭嘯蹴嗟哉君勿言予欲吞聲哭

捋棹行

無雨禾盡枯幸有萸稗熟翹然起平野其勢壓茁族貧家攜
囊來手捋動盈掬圓粒細珠琲舂碾煮成粥腸空覺味增珍
視同嘉穀急呼妻兒前分勺共果腹皇天不絕人留此拯溝
瀆柴門自糠粃朱門自梁肉梁肉理亦宜畜犬肥如犢

龍潭冬游和弟德甫韻

憶昔家居日龍潭我屢經水光團院白樓色揖峯青得趣鷗
眠渚忘機雁下汀而今空悵望閒館向山局

毅峯才不永餘韻尙悽然蟲冷鳴荒礎鷗飢嘯夕煙鐘聲三
徑緩香暈一龕圓到此本蕭索何堪入暮年

徐毅峯先生名希莘工文早沒

嘗課徒於此

邵南金

字月坡號述雪永嘉諸生

和高博泉菊影元韻

高挂溪藤絕點塵
蘭臺移影逐株新
隱淪蹤跡原無定
才子心思自入神
鏡裏尙嫌留色相
畫中渾未見天真
談空浪說菩提樹
卽此能參果與因

周雋業

字春湄海甯人嘉慶辛酉舉人官國子監學正著獵青詩稿

杭郡詩三輯春湄少失恃事繼母以孝聞

桐鄉程處士寓泮江之興慶寺詠諧善畫詩以贈之

嵇阮者流疏且狂
稜稜俠骨顏古蒼
人逢青眼卽知己
杯卷白波常醉鄉
詠諧絕似東方朔
丹青無過協律郎
竭來落魄走海上一笑問天天茫茫

徐廷釗

字勉周號遠波德清人嘉慶辛酉舉人

耐冷譚先生古道直言詩不多作然乘興偶吟雖終日擘牋分韻者遜其貼妥其憶梅佳句如兩行枯樹斜枝好一角離亭暮色昏酒闌茶罷三更話几淨窗明一卷詩荒亭可認前題壁野渡留思小結廬待客不來空守

驛詩無計獨巡簷不脫不黏
一空凡鱗真可入主客圖也

讀學古集

今人不如古擬之恐失倫學古卽爲古先生斯其人先生不
可作誦詩見天真天懷何高曠著論醇乎醇源流三百篇下
視漢與秦有時鳴天籟大樂布韶鈞有時發清越水石聲粼
粼古調誰獨彈爲此良苦辛曲高和者寡律盡回陽春我來
登山堂恨不見先民一編反復讀仰誦如神明

史致霖

字肅庵上善子山陰人嘉慶辛酉舉人官清田教諭

王申送秋日侍周蓮塘師讌鶯脰湖平波臺賦贈許眞
生

一帆搖曳若谿曲清遠湖山看未足朝來爽氣凌高臺平劃
湖心盪寒綠高臺命酒憶昔年豪吟醉月擬飛仙遊屐重尋

倏秋暮須臾雨氣滃前川由來奇幻皆天工年年好景忌雷
同霽光侍坐不關酒但覺杖履春融融座中佳士許元度仙
節追陪各軒翥三雅橫飛興轉豪酒酣邀我登樓去登樓風
雨忽迷離指點漁燈隔浦吹莫道秋光今夜盡鴛湖紅葉可
題詩

程希濂

字其讓會稽人嘉慶辛酉舉人官桐鄉教諭

周桂曰濂人先生性真慤不事家人生業能自忍飢寒而慷慨好施獎善戒過有古君子風

題扇贈王芑亭

逢辰

王郎才調本豪雄幾度鴛湖客舍同記否小樓深夜讀鐙光
如豆彈春紅

余鴻翽

字時齋新昌人嘉慶辛酉舉人官縉雲訓導

陶潛宣曰君與令子文途同時司訓縉雲喬梓並齋傳爲佳話訓迪寒畯懃懃不倦多以成名

輓史肅庵致霖同年

少達詩人慨微官兩載餘方干空及第司馬有遺書一座悲
長寂雙珠望不虛稽山歸櫬後宿草慰邱墟

趙志鴻

字西坪號桂崑蘭溪人嘉慶辛酉舉人著桂崑小草

與同學論詩

緬彼媯皇初璇宮文字啟紃纓有賡歌姚虞風雅始夏諺簡
而樸商頌健亦偉周詩三百篇大都性情爾離騷溯屈宋悃
款見忠排樂府沿漢魏古雅勝以理無名十九首奇奧悉原
委五字爲唱酬倡自蘇與李六朝尙鏤錯三唐變風旨陳張
掃俳優感遇一何綺李杜卓千古光芒式浮靡襄陽含清雅
輞川孕精美不廢萬古流盧駱當時體大者樹風骨其次融
神髓最下及詞華結響乃高貴試取楊慎書朗誦秋風裏清

心齋葡萄浣手薔薇水古人不可期斯言良有以骨脆筋亦柔免為大雅恥

和王文成題大雲寺壁韻

遷客經行處幽棲愛碧岑浮雲思往事秋色寄遐心倚閣流風遠敲門落葉深懷哉同仰止留與後人尋

鄭清彥

原名顯字秋史西安人嘉慶辛酉舉人官安徽甯國知縣

西安懷舊錄曾叔祖諱灝甯國知縣任貴州永從安徽甯國知縣民甚愛戴解任歸顏其居曰廉讓

冬夜

霜風逼層櫺寒月墮斜柄素心人已遙雞聲遠相喔采芝可得仙啖榆不欲覺耿耿千古愁無言聽謠詠

潘宗耀

字繩祖號虹橋永嘉人嘉慶辛酉舉人著五棣一規齋詩鈔

縣志宗耀生有殊姿生平喜吟詠雖簿書鞅掌未嘗偶
輟疾革時猶扶坐手錄春陰詩命補入稿中其風趣如
此

題畫

涼波吹不斷落日大江秋雲影向空盡雁聲隨水流夫容新
露冷楊柳澹煙收坐久不知莫蕭蕭蘆蘆洲

揖峯亭

嵐翠翩然落酒杯危亭高處暫裴裒卻看白雨過江去無數
青山揖客來颿影忽隨飛鳥沒鐘聲遙擁晚潮回扶闌欲盡
登臨興落日羅浮暮色催

卻金館懷端木鶴田

別夢縈桑梓寒鐙照薜蘿遠山松有雪高礪石無波邨落人
煙少風塵客感多殘年思舊友薄宦問如何

書王觀齋太守

澤

雲龍山爲東坡先生生日設供并登

黃樓有懷子由詩刻後

我昔十二三夢游放鶴亭黃河西來不知幾萬里但見眼前
煙霧空冥冥去年至河浹彭城半日留雲龍之山僅一上足
跡媿未登黃樓長公次公笑我俗爾來何遲去何速試衣臺
枕斜陽荒飲鶴泉埋芳草綠今年羈宦如束繭自閒看山緣
更淺騎馬日過圯上橋恨乏高岡窮眺眄新詩快讀興忽狂
如見酌酒蘇公旁以詩壽公乃自壽墨妙雕刻千琳琅江山
例與才人管七百年來共詞館王由翰林擢外任不然人事有代謝
歲月去堂堂何故宦轍生年一一相符合與子由先生同生辰原詩中及之
我欲舉頭問穹蒼戲馬臺燕子樓英雄兒女皆荒邱公壽至
今能不朽巍然之樓與俱久歌新詩酌大斗公之辰宜記取

他時一卮隨載拜十有二月日十九

春莫感懷

緩譔陌上及芳辰姹紫嫣紅掩冉新開到鼠姑能幾日飛來

燕子已經旬一春夢雨澆荒土

時農田待澤甚殷

六代殘山入臥輪

尚有舊情消未得不教重問輦紅塵

河干偶成

薄雲漏日天微雨新水上灘河漸驕千樹楊花飛作雪被風

吹過短長橋

晚行口號

茅屋陰陰日向西小橋流水隔深谿樵聲已斷人歸去時聽

煙林嘯竹雞

河水盛漲

秋水忽然至河聲徹夜忙
犇流掣危石斷岸沒垂楊
一昔迷涯涘中洪失呂梁
晚從灘面望雲影兩茫茫

寓齋雜詩

一株楊柳一藤花清曉焚香到日斜
滿屋綠陰雙燕子蕭閒
渾似野人家
淨洗鉛華蓮出水自然娟秀竹當風
顏色愛他秋後好遶闌
多種雁來紅

擬古二首

美人步階墀摘花自延竚欲持贈何人
花枝悄無語
明月耿素光衣上古棊影檐角立多時
西風吹鬢冷

薄暮

斜陽落處雀猶噪小雨過時花未殘
檐鐸不鳴簾影靜無多

詩思在闌干

紫藤花謠爲松軒司馬作

桃南官舍東廂東古藤一樹如長虹託根已近三十載於時
誰主松軒翁往者不花凡二紀有如處女藏室中吏民因此
訛傳說謂是花亦有雌雄主人聞言嗤曰妄此語但可欺盲
聾物情榮落有定理看花先看澆花功若暫見近不見遠乃
以人事誣天工遂誠園丁趣灌溉閱時漸見肌豐隆歲行在
卯春及半緜枝含采矜春風何人夜半吹鐵篴潛虬驚起紫
綃宮帝招羣仙游紫府無數環佩飄虛空千朵萬朵瓊瑤碎
十枝五枝玫瑰濃主人得花如得寶起視四壁光熊熊大張
筵宴召子墨十日遞到千詩筒一花酬以詩一首一枝須酬
酒千鍾爾時花亦識人意如彼萼綠羊權逢方謂花神得矜

寵或可歲歲親光容誰知靈仙偶示現開放不與凡葩同自
辰迄午又三稔杳然花信如冥鴻巫峯十二路寫絕碧水萬
里波溟濛瑤雲樓閣眾香界縱有傳驛無辭通對花枉自增
長歎汲水仍用譚園僮一日花前經九轉且盡人力回蒼穹
忽然又放數枝出似償夙約醒羣蒙茜裊窺窗月渺渺絳帷
入夢春溶溶架上已邀紫玉紫筵前況有紅綃紅主人於耐
寒軒譚集
同人以女兒紅爲題卽始信造化無成局慎勿嘉卉委荒叢
席賦詩乃蘿蔔別名也
世間萬事皆如此人不自薄天乃豐掀髯奮袂發狂喜復張
吟席鏗詩筒句成酌酒向花笑長養至竟歸天公

春陰

翦翦輕風散作煙碧闌干外曉窗前不晴不雨剛宜麥輕暖
輕寒未卸絲坐我青山紅燭院泥人飛絮落花天憑誰說與

閒鷓母喚醒春蠶第二眠

江南舟中雜感

近岸頻聞喚賣餚客鄉艸艸又清明春歸江北無多樹路入
淮陽第幾程絕代風流懷海嶽千秋詞賦感蕪城何須豔述
司勛句落魄江湖載酒行

煙月揚州夢已空忍將遺事問隋宮雷塘賸有春波綠螢苑
虛餘夕照紅明月二分簫韻裏殘山半角畫圖中生憎粉怨
珠璣日一曲新謠唱未終

結綺臨春枉擅名鶯花南部太無情水邊楊柳可憐色煙外
鷓鴣不斷聲往日瑤花空號觀祇今鐵甕尙名城降王墓下
何人問有酒還澆石曼卿

搖蕩金焦莫靄閒浪花無際擁雙鬟樓臺煙雨南朝寺鐙火

江城北固山出郭輕風猶料峭抱村流水總彎環英雄自古
須淘洗莫把濤聲作等閒

雨晴出郭至雲陽驛

細雨暗成霏薄雲晴作煙市橋人語沸山館野花然淺碧生
新水昏黃欲莫天柳陰何處滿繫馬驛樓前

楊德成

字芑豐蕭山人嘉慶辛酉副貢官定海訓導

湯金釗曰金城先生文壇耆宿至耄不衰存年八十有二以五世同堂

賜入

葉衍祥額邦家之光亦問里之榮也

擬謝靈運游赤石進帆海一首

孟夏時令好駕言游赤石泛舟永安閒攬勝東南迹自此進
海洋敢擬乘槎客悠悠掛輕帆中流問河伯快哉風色佳何
憂巨浪拍貝闕與鮫宮淵淵天吳宅潮去兩岸清潮來一片

白蜃氣近樓臺相逢朝及夕所憑忠信心不礙波濤逆

來

煥

字子文蕭山人
嘉慶辛酉副貢

由靈隱至韜光

曾傳驚嶺最嵯峨爲覓鐘聲向晚過竹色到門人影寂江湖
入夜雨聲多閒攀古磴衣侵薜緩步層崖屐印莎卻羨白雲
深處好僧家一向住煙蘿

陳鴻壽

字子恭號曼生錢塘人嘉慶辛酉拔貢官
江南海防河務同知著種榆山館詩集

吳振械撰傳略曼生于學多通解尤工篆隸行草世爭
寶弄之爲詩不事苦吟自然朗暢阮相國撫浙時方籌
海晏生隨之輕車以往返走檄飛章百函立就暇與諸名
士刻燭賦詩才麗以壯不不可及也令溧陽時仿龔時兩
家法爲茗器撰爲銘詞書而鑲之一時有曼壺之稱
定香亭筆談杭州諸生詩以雲伯爲第一曼生才略亞
而峭拔秀逸過之歲芝又亞于曼生余稱爲武林三陳
寄心盦詩話曼生嘗刻字於陽羨壺價重一時與吳
澹川友善贈吳詩有大造有真氣先生得正聲之句

雪夢圖

拾香壓夢夢不飛夜深月上梅花肥花魂綰出翠眉嫵雪色
翻亂紅綃衣梨雲漠漠不識路縹緲羅浮憶前度瘦影難教
倩女支明妝欲奪姮娥素珊珊卻下疑無蹤雪膚花貌參差
逢緩步筠廊情宛轉忍寒紙帳語惺忪夢中天地同長久夢
醒年華總孤負一聲玉笛起高樓飛花如雪空搔首人生難
忘是仙緣蟾鏡分明夜夜圓雪霽花明江上路春歸夢到渡
頭船

分詠秦漢六朝十印得漢李忠印

自文二字曰李忠案

書本傳一見唐書三宗諸子傳一見五代史李
白倫傳此從顏氏集古印譜定爲後漢李忠印

巨莽請刻宰衡印赤眉得璽重獻進白水真人鑑貺甄李侯
所向軍威振黃金斗大列爵尊忠臣必求孝子門母妻被收

勢孔迫殺賊豈足明酬恩軍中馳驟大驪馬繡被清宵燭光
施不須辨印煩馬援頗恐囊金羞陸賈圍城黯黯弓刀寒風
聲鶴唳摧心肝賜錢千萬救不得背人血淚如珠彈一朝收
復全家屬報讐不忍恣殘酷恩怨分明忠孝兼莫將成敗論
碁局丹陽道上竹馬迎墾田建學致頌聲三公奏課稱第一
訟庭花落嘯春鶯區區私印傳奕載摩挲合作瑤瓊佩憶解
長襦教澣時不知賜綬今何在琴亭餘澤已迢遙中水寒流
自晚潮何處殘霞橫一角明砂騰采徹層霄

游道場山

家居傍湖山春和愜遐賞半年滯吳興奇勝阻孤往命儔峴
山麓舍船逐林莽近畦俯蔥鬱遠翳挹涼爽石亂泉響競篠
密炊煙上疏紅補女蘿痠雲削仙掌其勢折而北羣附獨雄

長拾級漸轉南絕頂露平敞塔鈴瘖不聲天風落虛幌眾鳥
起舊枝一磬度清響碧湖渺杯水煙翠撥雙槩此時塵慮空
昔遊固可仿頗聞孫太初茲山結霞想

題雲伯弟憶花圖效昌谷

雨工縑絲溼琴軫苔花慘綠團仙困纖鱗飽唼妝臺粉青桐
露碎么鳳飛蕉心愁展榆錢肥一聲唳鵝開煙扉湘簾牘捲
唾絨豔匣中罷響雙龍劍春風不歸玉容斂相思源水薦桃
花闌干月瘦遲天涯夢回銀燭流光斜

贈吳澹川

長嘯華山頂吟詩滄海秋步兵餘白眼從事有青州草長柴
門遠花開野水流相看不知老爛醉更何求

題朱丈陰陔齋壁

蕭蕭雨三個不減萬箇簾疊石臥清影開簾受細香雨絲寒
酒盞花片豔琴囊遲我十年到春橋舊草堂

李富孫

字既訪號蘇壯嘉興人嘉慶辛酉拔貢著校經廬集

府志富孫與伯兄超孫從弟遇孫有後三李之目湛深經術所著七經異文釋周易校異集解廣義漢魏六朝墓誌纂例鶴徵前後錄曝書亭詞注說文辨字正俗均膾炙藝林續纂梅里志尤有裨文獻云

讀國初諸公文集成斷句十二首

侯生才思鬱縱橫下筆千言坐客驚一代董狐誰得並金陵

歌管不勝情

朝宗置酒金陵載手罵阮大鉞越五年而禍作

老去聲名海內推江關漂泊實堪哀談諧最是琵琶傳人說

王侯一派來

朝宗馬伶傳相似

載書驢背去鄉關顧亭李生蜚聲伯仲閒字字淵源根六籍

不沿宋學迴難攀

甯都伯季各翩翩叔子文章力更堅論策固知旨趨在三蘇
才筆故堪傳

溫柔本得風人旨當世論文數宛陵講學西湖稱佛子不知
儒者立言能

蚤歲聲名薄草元

先徵士公題
鈍翁類稿句

玉遮碑板繼前賢由來三禮

編摩久不僅源流自震川

少年負氣自瓌奇五論籌南志作悲記得筠廊最知己長嗟
無命入宏詞

待詔承明禮數殊

西漢以布衣
薦入史館

暮年風節轉欬歔文章聲譽

馳江表驂靳都從長短書

青門老圃趣誰同高曠何如笠澤翁刻意爲文外聲利淋漓
奄有大家風

擬注歐陽手一編豪游燕晉訪山川遺文嗟已飄零盡賸有
韓昌傳幾篇

文章爾雅接斯人碧玉清流迴絕倫若向侯王共角逐那能
挾矢望前塵顧亭林謂竹垞文在于一朝宗之上未爲定論也

東馬紛紛已莫論遺編幸得溯岷源當年若箇先呼李祇有

傾心鈍老存

周師濂

字又谿會稽人嘉慶辛酉拔貢著竹生吟館詩草十六卷

杜煦序略竹生以詩兼書又以詩兼畫予嘗謂宇宙之奇觀惟兼乃得之月兼星愈明兼風愈清風兼雨愈豪橫雷兼電光愈震煙雲兼波濤愈不平其於人也文章兼書畫秀而潤江河湖海兼波濤愈不平其於人也文章兼書畫趣益靜竹生之詩兼書畫氣益清皆必傳無疑也陶濬宣曰君性耽閒靜喜畫墨竹有題畫詩一卷別行讀一詩如展一畫時與岑鏡西郎雪舫王笠舫何半餘諸先生齊名爲鷗社之老宿

兩浙輶軒續錄

卷二十一

周師濂

聖

商丈香坡惠質園詩集卽用集中春宴圖原韻致謝

太史騎鯨三十載蓬萊清淺桑田改獨畱翰墨十分香質園
一集菁英在公詩情性出和平經史功夫醞釀成少爲西園
第十子笑呼張丈喚殷兄翩翩早赴櫻桃宴鳴鸞鸞鳳凌霄
漢卓犖才華賦十臺喬皇典冊披三殿下車聽政無競綵專
城迎拜古諸侯倥偬簿書揮玉案清新詩筆滌冰甌我生追
步風雲路美人幸不傷遲暮九霄沆瀣氣相通萬斛氤氲香
裏佳忘年交可與君游臥酒吞花幾度秋惠我家藏此詩冊
得從前輩企風流盛名自昔傳畿甸歷劫不隨風氣變古體
今情樂府篇管中窺豹一斑見莫道無源是醴泉緣知有種
出藍田翰林風月三千首君喜陶情垂老年我今音律方能
識字字珠璣快胸臆談經幸入鄭公鄉問字得過揚子宅退

歸丈室新埽除鏡花水月悟清虛百回百讀百回拜一洗生
平詩硯無

鑑湖馬太守祠

先疇食德近何如遺澤難忘勛業初八百里湖資保障九千
頃地盡菑畚漢廷昔上河渠志越絕今垂水利書簫鼓中流
歌競渡萬家報賽樂于胥

流螢篇

西流銀漢寂無聲十二樓頭待月明閒倚闌千秋寂寂低垂
簾幙夜冥冥美人獻罷長門賦畫屏臥看牽牛渡檐前細數
一天星花閒小立三更露天涯夫婿未曾歸熠燿宵流翠入
幃鸛埵雨收添箇箇鹿場風過弄輝輝油壁青驄洛陽道春
初綠徧王孫草鬧蛾撲蝶鬥嬋娟千金一刻韶華好等閒時

節易蹉跎無復香風送綺羅
芊緜河畔蒸雲溼翡翠叢中暈
碧多君不見景華宮裏流光變
夜深誰撲輕羅扇蔓草荒煙
今日愁金釭樺燭當年宴又不見
西宮南內報初秋夕殿誰
爲照夜游蜘蛛未見同心結
蝴蝶難將好夢收相逢今夕復
何夕愁思茫茫情脈脈往事消沈
春夢婆今朝冷落秋風客
我來露坐水西亭散髮追涼戶
不扃窗外尙餘書帶綠案頭
好貯練囊青

木龍歌

并序

木龍本號木猶龍據張岱陶菴夢憶本龍出遼海常
開平王輦至第後第燬而木龍不燬陶菴之父汝霖
爲廣西參議以犀觥十七隻鬻於市進魯獻王誤書
木龍犯諱辭之遂畱長史署中陶菴因載歸山陰時

開詩社周墨農倪鴻寶祁世培王士美張縠儒俱紀
以詩陶菴勒名於龍腦曰擾龍張子尺木書銘何以
似之秋濤夏雲今謝公橋河相傳有木龍逢有科甲
時卽見殆此物也予值泊鷗社屬諸君子共賦其事
謝公橋接北海橋中有木猶龍一條若爲吾鄉兆科第龍先
跋浪東西跳不則入地杳不見亦同屈蠖知藏韜居民未識
來何所各執已見徒曉曉或云宅建呂相國因此入水如靈
鼈或云宅建新建伯因此入水如神蛟人言斷斷不足信聽
我一語破浮囂常開平王開京邸此木輦自東海遼厥後里
第燬於火倏然入地火不焦張參議公驚於市易以犀觥價
值高進魯獻王王不納陶菴載歸推挽勞山陰是時開詩社
品題一一名爲標或號梅槎號槎浪或書尺木書雲濤此事

夢憶載其說考古足信無混淆至今遷徙得其所風雨變化
靈昭昭我今大開泊鷗社更屬社客爭詩豪雲垂海立白日
動如有萬馬奔秋潮木龍聞歌夜起舞天吳海若俱來朝

三月十九日同人公祭詩巢六君子及諸先哲禮成紀
事

吾越詩大家流風未歇絕唐宋迄元明抗手談古昔詩巢在
鑑湖剡自楊鐵笛十子結西園遷徙龍山側小阜架三楹層
梯上百尺大雅萃一堂胼胝不可缺會仿周禮釀蕉荔薦芳
潔飲酒福孔偕翳翳日將夕仰瞻望海亭不動山凝碧彷彿
有吟魂松風破寥寂

寒夜聞雁有懷參木家兄

涼颺撼窗紙細雨暗燈檠孤館寒無奈遙天雁有聲關山千

里夢兄弟卅年情何故長離別寥寥感此生

高越垞先生

鳳臺

近選書畫舫詩課授梓秋分前一日

來索近稿賦此奉答

人隨秋燕社前回舟過錢清繞道來祕省知君吟芍藥小園
訪我到莓苔要將書畫船哀集不惜珊瑚網取材爭索一編
詩稿去恐難蕪穢翦蒿萊

明王恭簡公墨池故里岑丈鏡西繪圖屬題

駱駝峯頂獅子巖曾訪尙書讀書處墨池留得讓簷街未訪
尙書昔年住岑丈爲做不朽圖綸巾羽扇重描摹數閒樓閣
半池水令我對畫增嘻吁慶陵一役賢勞獨雪虐風饕王事
蹙力疾不乞骸骨歸身後蕭條賸書簏

京邸惟遺敝簏

遣祭雖遭卹典優馳驅終未返林邱到今閱

歷星霜久但有一泓名尚留君不見瀾瀾流泉鵝浴池戒珠
山屬右軍遺又不見萋萋芳草冢埋筆雲門寺屬中書立墨
池敬接一瓣香王氏未艾流澤長臨池我亦愛潑墨蛟龍要
訪尚書鄉

洪頤煊

字旌賢臨海人嘉慶辛酉拔貢

官廣東新會縣知縣

縣志云頤煊苦志力學與兄坤煊弟震煊讀書僧
寮夜每借佛鐙圍坐談經不輟時有三洪之稱
臨海詩錄頤煊解組歸聚書四萬卷碑帖千餘種又鈎
摹家藏歷代名人墨蹟刊倦觚法帖八冊晚因自號倦
觚老人所著有禮經宮室答問二卷孔子三朝記七卷
讀書叢錄二十四卷平津館讀碑記八卷續四卷孝經
鄭注補證一卷尚書洪範五行紀論五卷經典集林三
十二卷諸史攷異十八卷漢志水道疏證五卷鄭康成
年譜一卷台州札記十二卷校正竹書紀年二卷校正
穆天子傳七卷管子義疏八卷校正竹書紀年二卷校
鈔四卷倦觚叢書十二冊咸豐辛酉緒寇竄台其已梓
書版及金石書畫悉付灰燼惟倦觚法帖尚存然已殘
闕不完矣

緝雅堂詩話臨海有周君治平與二洪齊名阮文達曾
子注釋天員篇曾引其說今筠軒兄弟姓氏著述流布
眾口而周君無聞焉欲采其詩竟
不可得人之傳不傳豈有天意哉

台州雜詩八首

靈江遶郭傍寒流隔岸蕭蕭黃葉秋一片山城如畫裏白雲

深處是台州

白雲山在龍顧東

鈴閣高懸白日斜水雲迢遞足生涯清香不礙幽人夢猶記

平橋看藕花

宋州衙平橋荷花最盛

雙堦峻岫鎖碧苔幾時投筆向江隈前朝亞字紅闌在引得

遊人日日來

巾山雙塔舊有關干明嘉靖中燬於火

春風落日子城西內外班班連敝畫題共道先朝有賜第槐陰

清晝子規啼

子城內外俱錢氏子弟所居謂之內外班賜第元時尚存

三絕長懷杜老詩尋春閒過廣文祠捏兒坊裏無人到開盡

兩浙輞軒續錄

卷二十一

洪順壇

墨

蕪菁知不知

鄭虔居裡兒坊見輟耕錄

般若臺高綠樹遮孤僧相對只梅花庵中賸得殘碑在剝落

松窗字半斜

余近得錢松窗般若臺詩碑有疎梅何事門僧清一句可讀

秋光冷淡敞圓屏銀燭微銷醉後青欲看東南好山色扶筇

應上玉霄亭

曾茶山玉霄亭詩欲看東南未了青

王喬尋仙去絕蹤三清宮殿白雲封當年提舉朱夫子曾聽

齋堂覺後鐘

宋天虞觀有仙人王喬祠朱子往來台州嘗主觀中

定州晚發

殘星猶在樹驅馬向西行野戍霜華重荒郊露氣清車鈴連
遠道寺塔迴層城我已栖栖慣年來不記程

阮雲臺閣學試台手篆鄂不館題桴以贈賦此誌感兼

示櫛堂

六經邈河漢終古互長天緬懷羽翼輩議論高雲煙與子有
同嗜黽勉晉魏前未能辨點畫敢道文字賢淮海起哲匠風
度何翩翩手挾天人學心參太古先搜羅及葑菲題字光茅
椽灼灼夫侈華耀采何新鮮愧我非等倫鄂跼徒相連人生
一顧恩寵若鐘鼎鑄回頭思往事撫卷爲茫然

詒經精舍奉祀許鄭二君紀事

古人講學地厥名曰精舍後儒不考實反爲禪林借中丞妙
稽古湖濱敞臺榭諸生競勸學誦春而弦夏詩書旣聿陳俎
豆欣薦藉南閤祭酒君說文光長夜司農百世師羣經斗牛
射兩者家法同研求頻瞰蔗下士少究心實學多驚詫譬彼
植嘉禾其志在速化遺經孔壁尊詒訓尼山亞勛哉二三子
絕業勉方駕

西湖柳枝詞

袅娜腰支一捻消銀牙碧管度春宵朦朧花影句吟舫總在紅闌第二橋

奉陪孫淵如夫子運糧北上舟中次韻

山翠迎人轉船窗對面開春飛花片至風送笛聲來渡口斜陽淡村前暮靄催一帆添畫意清眺重徘徊

官舫遶行速連宵不計程雲移遮遠岸煙散見重城亦有高朋集時開妙論生柳灣深處泊黃鳥兩三聲

由靜海至天津

回旋潮汐暗通波堤上行勝映綠莎樹杪晴雲迎畫鷁垂楊一路酒旗多

竹籬茅舍水當門髣髴江南雨後村丁字沽前泥路滑桃花

時節賣河豚

蒼嶺

蒼嶺高百重橫亙接天表嵯峨積累成峻極青未了我來向
西行肩輿陟幽窅初如蟻磨旋忽作羊腸裊回頭驚險阻下
步力探討陰崖足底生峭壁眼前小攀蘿歎累息觸石常恐
倒須臾到絕頂羣山互迴遶嫠枯數峯連台巖眾壑杳細雨
正濛濛涼風自嫋嫋藉此盪心胸人生一粟渺

聽鸛鵒

春深山裏乍聞聲飛上桑枝弄語輕濟水北流空有恨魯城
東去最關情綠陰學士春魂逸絳幘書生舞態橫好待榴枝
開遍後黃筌統扇畫初成

潘國詔

字載詒號雲留永康人嘉慶辛酉拔貢官直隸滄州知州箸耘流詩文集

胡鳳丹曰先生工詩善畫名震一時歷仕二十餘年清
畏人知不侮鰥寡不畏強禦世以強項稱之滄州士民
有氣餒凌人者治不少縱風俗丕變余赴都泊滄州猶
有詢及潘青天者嗚呼回里數十年後民尙去思不置
足以風矣

題馮春圃舉杯邀月圖

天宇蒼蒼涵萬有明月親人如匹偶人生玩月一百年祇有
千二百回圓況又陰霾與腴腠得見當頭能有幾偶然得月
不相呼良宵虛度何爲乎人世塵勞殊草草月色未闌人已
老此生無計留清光有酒不飲負歡場有酒當筵月照席我
與明月爲主客稜稜芒角生肺肝銀盤玉醖雙團圓前身本
是滄江月吟嘯身輕仙子骨飲中聖者李青蓮高名寥廓一
千年明月照人無今古誰其似之馮春圃

張汝房

字寄軒浦江人嘉慶辛酉拔貢著寄軒詩鈔

漁父

瀟湘潭畔逢漁父，水映鬚眉澹無語。非夷非惠不知名，獨棹扁舟泊煙渚。長竿斜引鮮鱗肥，得魚換酒前村歸。陶然醉醒鼓枻去，一溪明月蘆花飛。

陳舜咨

字咨牧，又字雲樹，號春堤，永嘉人。嘉慶辛酉拔貢，著茶話軒詩集。

林大椿序畧：先生博學多能，詩賦外尤工書畫。自云詩第一，書次之。畫又次之，嘗刪東甌詩存別爲甌雅十六卷，增訂南鴈山志二卷，又采羣書雋語爲牛尾集，蠶尾集若干卷。

快軒詩則春堤爲諸生時名，震一郡。方伯李石農鑒宣爲溫處觀察時尤賞異之。其詩稿多方伯所評定。嘉慶甲子歲曾以一冊寄示茶園菜園，至今藏弄子爲掇其尤者於編，雖止一斑亦可以見全豹也。

晚投無相寺

暝色薄暮合，羣山深掩門。一僧垂白首，孤寺向黃昏。泉響出幽壑，燈光生遠村。早通禪悅理，不用問風旛。

田家

二月春方半二麥綠已齊澤雉何處來喈喈隴上唳杏花出
屋角落英趁長溪臨溪一濯足未能盡春泥摘得新蠶豆筠
籠手滿攜持將入城去易錢買耕犁

晚來南山頂蓬蓬白雲生枕邊一夜雨瀟瀟到平明遙聽屋
後溪流漸已有聲田疇知霑足旦晚應可畊問兒何吉日浸
種祀句萌須爲釀事計種秫少種杭

連日苦陰雨未得事東菑昨夜東風回前山見朝曦出門循
隴畔省我田所宜行行遇鄰叟與話栽插期今茲立春早插
苗莫過遲相訂在社前相與事春犁回首望村墟蒼烟穿疎
籬比鄰三五家知是方農炊

朝餐食方罷青芻飯黃牛牽牛度隴去耒耜在肩頭兒童未

解種亦隨老翁游時見雙鳧至臨溪弄春流

新年入村市換得門符來未識書何字柴門臨水開偶親
串至荷鋤田閒回殺雞更爲黍笑語歡相陪問客我新釀何
如村店醅客亦能高飲更索盡餘杯

安平縣

暝色滿平壩夕陽猶未沈雲邊雙鳥度城上一峯陰荒市靜
如野人煙寒出林敝裘須檢點冷意坐相侵

黔中雜詩

夜郎舊國萬峯遮十八郵程鳥道斜西極車書通六詔北門
鎖鑰寄三巴竹王銅鼓漫天雨貴陽銅鼓山每陰雨必有聲如銅鼓蠻女蘆笙
滿鬢花一自且蘭同破滅蟻封蜒窟總官家

淨居口

宿雨初收晚羣峯翠色回雲忙穿樹去水急破灘來白酒荒
村店烏鴉古戍臺一番閒寂意我欲問蒿萊

石馬鋪

山嵐濃欲滴溪水冷無情日暮白雲合幽禽嘯雨聲人家脩
竹隱石磴落花輕客思同春思悠然相與清

山館閒吟

羣峯四合繞如環坐著茅堂盡日閒一事馬融須遜我筆牀
長得傍青山

隔林隱隱竹鷄嘯野日荒荒又向西讀罷道書無箇事下階
自掃落花泥

斂盡山雲宿雨晴塔溪新漲曉澄泓山翁爲我多閒寂勸向
溪頭聽水聲

華文漪

字某園平陽人嘉慶辛酉拔貢著逢原齋詩鈔

吳承志曰某園學無師授少時流連光景爲風花雪月之詞中歲始講求體格集中有寄友人一書言脫諸生籍後稍疏帖括乃克上下古今溯流窮源恍然得古作者門徑疏擇善而從頗自負所長福鼎林滋秀亦稱其詩鍛鍊精純選入蘭社詩畧謝青揚體愈懇齋集贈華棟放歌行云某園自是後來豪別裁偽體親風騷博涉諸家取以約兼工眾格臻其高持論精嚴致不苟雅尚骨力遺皮毛洗出元音息浮響如聽鳳管兼仙璫鮑臺一栗軒文集答某園書亦云尊作於聽鳳管兼仙璫鮑臺一栗空山鼓琴沈思獨往寄託之遠讀之輒增芳草美人之感皆推許甚至然某園實詩如其文功在瀚創其寄友人書云五古七古當先學東坡遺山絕句由牧之義山上溯龍標五律七律有紀尚書律髓刊誤一書閱之可盡得其訣生平所業卽此可知矣

暮春郊行

九十春光幸未違卽今野色更芳菲踏青爭綰長隄柳看竹思敲白板扉曉樹煙開鶯細囀橫塘水滿燕低飛雨風幾度遲游屐值此清明肯遽歸

蘭溪諸松巖贈詩依韻酬之

古人勤績學著述名乃噪自非詣力深誰能爲倡導繫余生
苦晚妄欲希古調循途想升巔每恨石壁峭刻削遯郊寒奇
恣怖韓昇譬如見徐公對鏡慙厥貌邂逅松巖子詩筆獨超
踔頗似龍難馴豈同魚可罩體物無定姿摹古亦逼肖遠游
正復佳窮愁漫自弔佇爲鳴岡鳳莫作隱霧豹鄙生久困頓
退鷁何足效猥以太牢羹欲使芹爲菹短句先繼聲拙文容
後報

索序
詩稟

齋中

齋中少客來把卷慰幽獨塵心一以洗閒情寄遠矚南山草
木長雨過清如沐坐對恰忘言嵐光當戶綠

詠古

田巴類梟鳴舌橋飛兔前文具何所施雕龍亦徒然抑秦伸
大義吾愛魯仲連卻軍五十里功在信陵先千金不肯晒一
笑無平原

申公遭胥靡轅固困擊豕爲儒寡明哲危機有如此穆生懼
髡鉗知微在設醴高蹈謝虛拘冥飛甘沒齒曲學竟封侯嗤
彼公孫子

雜詠

障簾慣傾身策足爭要路安得造化爐日夜爲鼓鑄富貴豈
有極熱中人不悟

春蘭自早芳秋菊亦晚秀造物本無心得氣因所受松柏鬱
奇姿陽和亦天覆

佳人在空谷容華世所慕良辰指三星搔首還四顧蹇修猶

未來曉行畏多露

閒坐

禪房足幽意把卷偶開櫺一鳥哢過晝餘花落滿庭晴雲依
澗白流水帶山青吾慮因之淡翛然坐到暝

唐宮詞

舊寵樓東歎寂寥華清歡宴自通宵霓裳幾隊翻新曲不記
驚鴻舞態嬌

連枝比翼喻情長七夕私盟足斷腸縹緲海山魂不返可憐
零落荔枝香

一村

海國初過秋雨天溼雲遙帶一村煙山迴日影疎橫樹礪納
風聲細咽泉小犢尋芻沿遠陌羣雞爭粒散空田叢祠又卜

來秋稼幾處吹幽樂有年

淮陰侯釣臺歌

長風揚帆泝淮流淮陰釣臺江畔留
機舟傍岸一延覽令人歎息淮陰侯
一飯垂憐賴漂母三族遭夷由呂后
底事英雄蓋代才生殺終歸婦人手
吁嗟乎王孫微時食不飽七尺之軀
尙可保鐘室殞身何草草君不見東門
犬華亭鶴臨刑苦憶從前樂此景奚堪
問當局只知悔不聽蒯徹那知垂釣終
安逸鳥盡弓藏千古悲淮水東流亦鳴咽

戍樓

蕭晨鳴戍鼓寒氣動邊樓收馬無青草
聞笳易白頭長河經塞曲飛鳥度雲愁
極目傷千里殘陽樹樹秋

春曉曲效溫飛卿

東方欲曙聞嘯鶯軟風吹春春有聲流蘇帳捲綠窗曉金鷺
十二開畫屏博山爐中香霧起氤氲一氣熏羅綺麒麟伏檻
露未乾柳絲半彈闌干裏雙飛紫燕銜桃花深院珠簾銀蒜
斜美人小立玉階靜一縷綠煙初煑茶

題何丹邱白屋烏圖

屋上烏尾畢逋山雨欲來雲模糊飛飛羣聚相叫呼主人歸
來愛其雛山林景物真可摹吾歐丹邱老居士通靈有筆傳
此圖憶昔周師薦殷俘鷹揚尙父陳良謨推恩當及所不愛
勿使他人憎胥餘火烏流屋開貞符岐山鸞鸞鳴帝都姬籙
八百理不誣君不見延秋門上頭白烏天寶喪亂堪長吁骨
肉流離道旁泣溺愛不得全妻孥一烏可以喻治亂金鑑常
懸黼座隅仁民澤物恩膏敷莫遣詩人歌赤狐

孫邦治

字康成號綠野錢塘人嘉慶辛酉優貢候選知縣

吳振械傳略孫氏饒于貲先世皆樂為善綠野承其先志一時當路慕與之交吾杭當嘉慶己未庚申間郡學之鼎興西湖河之疏濬考棚之剔石足几坐育嬰堂之休養生息善濟堂之施糜粥藥餌眾議皆舉以為督既貢成均將謀出宰銳意用世天不假年甫四十而卒人咸惜之

擣素篇

影轉檐牙月初出露菊風槐秋瑟瑟美人擣素發新聲小鬟約束圓腰成卷將霜帛下庭去綺靡羅裙曳迴步桐虛石燥響穿空驚起寒鴉不知數汗珠那惜染雙題擣罷裁縫萬里衣停鍼不語看金尺曾否腰支去日肥

孫

麟字蘇門錢塘諸生麟著秋嘯堂詩集

高鼎傳略蘇門篤學好古風神朗澈不屑伍庸俗阮文達公蒞浙振興古學屢試前列極被優禮

初夏雜詠

不覺紅英盡還看碧鮮侵方塘生水氣斜日轉庭陰俯仰愜
天趣清虛涵道心幾竿新竹長煙雨護深深

乳燕

誰家添得寄詩人兩兩雕梁總自親池水掠開初破影庭花
落盡不逢春閒時學語音猶澀低處裁風翦未勻好向紅襟
繫金縷明年重待款芳辰

陶

聲

字兩峰號淨蘅錢塘諸

吳翌鳳序略陶君淨蘅嘗與余及陳子文瀾沈子桐威
陳子復生余子式南林子煜寄十餘人結水村詩課其

詩胎源放翁
有閒適之趣
高保康曰相傳兩峰住桃花庵江蘇唐布政過訪
甚契出贈三百金不受強之付庵僧其取介如此

和韻簡水月道人

飛泉流竹外清磬響雲間玉洞朝看籙仙壇晝掩關山空塵

慮絕花落道心閒采藥歸來晚詩成取次刪

丁

蘭

字孝通號子魯傳子錢塘諸生

宋龍翔宮有魚樂軒荷池之勝相傳卽白龜池順治閒
有品道人汲水池中忽得大白龜掐之碎敗

道人汲水白龜池忽見敗甲浮水湄大如神鼎不可舉掐之
碎裂如粉糜憶昔鄴侯開六井變化斥鹵爲清漪改邑不改
六井一玉虎宛轉沈冰絲穆陵龍潛起朱邱龍翔高揭宮之
楣軒窗臨流魚極樂白魚撥刺鱗之而神龜此時共游泳露
宿蓮葉風不敲千官鵠立侍池上閻羅董老指使頤車駕香
奉景靈殿齋醮文上太乙祠朝端空說小元祐烏太保相何
委蛇寶龜見兆白雁叫江湖不至池可知有宋至今五百載
龍翔無宇存其基如何靈物有時朽或者風雨乘蛟螭我來

弔古一慨歎白萍點點波流漸

徐大陸

字也陶仁和諸生著也陶遺稿

楊振鐫曰先生性方嚴造次必於禮法道光戊戌重游泮水年八十餘猶喜長嘯

門蟋蟀用韓孟門雞聯句韻

微蟲感金氣鳴秋似有待得時利牙爪矜炫布文彩居然大
閱兵不計此師殆螯弧一周呼中有健者在憑軾請觀戲矛
戟進以鏃登場試角逐選勝闢爽塏列如陣堂堂作其氣磊
磊繁霜隕素節淒緊物候改梅花翅正勁白雪牙最確孤注
藉一擲利市儼三倍纖兒壞家國名將已菹醢太息賈平章
半壁氣徒餒草坪侈獻捷勇爵冒欺紿蟲嘍木棉庵德祐歲
乙亥小人化蟲沙奚屑誅汝罪惜哉宣德主敝俗亦相浼徵
蟲如徵租吏胥飽奇賄維時明盛昌武功耀薄海詔書一紙

降奉命何敢怠周

忱鍾

憲謬臣不續重嘉乃如何戢金盈

作貢逾幣綵豈其高煦征戎事誇奏凱視彼孱宋君政如叔季愧三楊處臺閣諫諍乏賢宰西風鳴不平野史信堪采

趙澄鑒

字映瀾號梅史仁和諸生著煙波畫船詩稿

杭郡詩續輯梅史少孤其母氏教之成立家貧課蒙以給朝夕或撫蘇不爨而吟詠自得尤工倚聲畫山水花鳥氣韻亦蒼潤

賣茶孀傷貧女也

女越人父嘗爲縣令父歿流落無託嫁農家子旣而以賣茶爲生惻然有作

當墟好女烹春芽風神閒靜羞鉛華過客停鞭休浪譁顧客聽我歌賣茶阿儂幼是金閨女骨肉淪亡委黃土父官不足庇兒身親串衰微有誰主零丁嫁與賣茶兒茶苦不如儂命

苦含笑含顰無一可汲得寒泉愁照我罡風吹鳳化號寒得
過且過隨坎坷調羹糝蓼豈未諳茶事專司一鑪火火活水
清茶色鮮芳心與水同熬煎誰家富兒太齷齪德色向人酬
百錢君不見東鄰有女面如玉日高繡榻鑪煙綠鸚鵡呼茶
睡初足

駱

尊原名雙玉字朗山仁和
諸生箸二酉山房詩鈔

垂釣磯

似言無言石鸚鵡欲餌不餌金鯽魚漠漠生煙宜水面霏霏
引綠上人裾徘徊雲影天光裏領略斜風細雨餘理卻絲筒
歸更讀濠梁於此復何如

金麟應

字介亭海
甯諸生

管庭芬曰介亭先生爲庭芬業師隱居淳溪好讀書不
與戶外事經史諸籍皆有劄記惜未彙編成書齋中所

懸書塾二字宋張
楊寮先生筆也

秋菊

鹿眼籬邊綴幾行清幽端合住柴桑孤芳自賞何嫌晚冒冷
能開不畏霜千古高情憐靖節一天微雨又重陽平生性未
因人熱耐到秋來獨自芳

祝

嶸字兩峰海甯諸生箸仰山小草

杭郡詩三輯兩峰早孤事母以孝聞侍母疾百計祈
禱卒無效母卒一慟而絕相距才三日耳里黨哀之
將游袁江臨發慨賦

檢點琴書上客鞍門庭回首悵孤寒二千里遠行猶易六十
親衰別轉難負米詎應辭況瘁寄書時望報平安男兒此際
情難遣老淚臨歧灑未乾

沈銘彝

字紀鴻號竹岑嘉興諸生
候選訓導箸聽松閣詩集

耐冷譚竹峯博學工詩喜藏金石文字隸書
尤妙其崇福寺并闕詩議論平允可稱詩史

唐聚慶墓誌甄并序

秀水治南五里有螺潭螺潭上有廟廟南五十步土
人耕田得古甄係唐聚君慶墓誌野廟僧攜置香積
廚已十稔亦無人過而問者辛卯十月十一日余同
曹澐江過廟見之吾鄉除僧寺經幢之外無唐刻此
可存也古人非仕宦游學服賈不輕去其鄉聚馮翊
人卒葬嘉興而云封當祖墳其土著已久歟

進思甘露久湣訛

誌稱大和六年卒蘇州嘉興縣之進思鄉葬甘露鄉

一鸞遺文志大

和古墓犁田良可慨傳人著墨不須多九原可作徵殘月千

載相憐逐逝波

大和壬子至今辛卯一千又一年

潭上白雲猶似絮頻頻過

客爲摩挲

崇福寺井闌殘字拓本

喪君有君春秋義廊王之功社稷計正統辱國帝自知俘餘
猶欲窺神器假託乾象遽還宮奪門二字蓋無窮革除年號
交章請廷臣阿諛言非公草野偏能留直道大書景泰六年
造吁嗟乎中原若使竟陸沈萬井蒼煙嘆枯槁當時孰共食
寒泉于公隻手獨擎天至今此水流不竭一腔熱血同嗚咽

王家英

字秋海秀水諸生著

翁廣平序畧秋海才思敏妙風格峻潔詩尤清新俊逸
神似唐人自署所居曰冰壑寒林館其所尚可知已

雪夜桐溪道中

歲月已云暮誰憐尙倦游琴書最遙夜風雪獨歸舟
凍雀宿高樹寒燈明戍樓篷窗枯坐處濁酒解窮愁

行亂山中作

兩浙輶軒續錄

卷二十一

王家英

任文化

張達慶

七

八

天際芙蓉十萬枝竹巖松壑雨晴時貪看飛瀑穿林去空翠
涇衣人不知

任文化

字魯堂海鹽貢生
箸半江水初稿

龍溪道中

倦客今歸矣山中緩緩行深青煙樹厚淺碧石泉平彷彿來
時路淒涼別後情迴頭南向望何處是榕城

送梅亭叔之揚州

莫賦將離賦壯遊飄然騎鶴上揚州橋橫古渡簫吹月花壓
青山酒滿樓曲奏嵇康琴裏怨詩吟杜牧夢中愁蕃釐瓊樹
廣陵客俱是人閒第一流

張達慶

字喈六號聽泉平湖附貢官
光祿寺典簿著聽泉詩鈔

朱爲弼曰聽泉爲紹洲先生仲子少有文藝詩傳家學
見者以小斜川目之嘉慶辛未

西巡五臺迎
鑾獻賦旋入都就官光祿不逾年引疾歸

得叔父熙河先生書知將自金陵入蜀作此寄呈

未肯寒窗老一經壯遊直溯錦官城猿啼巫峽楓林老夢醒
峩眉秋月明歷盡江湖更懷古遠辭鄉國豈求名勞勞亭畔
千條柳落日西風無限情

辛未二月五日夜半平原旅店送秋樵弟入都時予與

笠溪弟同赴山右

星斗錯落雲迷漫驪駒一曲歌聲酸亂山亦似惜人別岡巒
環列攔征鞍憶昨辭家意蕭瑟千里關河苦難越異鄉兄弟
且爲歡曉看青山暮看月客中情思頗不惡今朝陡覺鄉心
結敬遠方偕元亮游子由又與東坡別黯然銷魂惟別離別
離況在天之涯故園迢遞望不見道途西北同嶮崎丈夫意

氣異兒女有淚亦復揮臨歧馬鳴蕭蕭宿醒醒敝車分踏霜
華冷回首長歌行路難今夜寒燈兩人影

陸元諱

字菊時桐鄉稟貢署會稽訓導著陔南室詩鈔

周桂曰君仁恕誠恪深得士心善書尤精隸法

冷廬雜識先君子精八分書法求者盈集應之不倦性嗜花栽植盈庭四時燦爛不絕興至則縱遊巖壑或與二三朋好瀾茗銜杯優游永日與人仁恕誠恪周急惟恐不及最愛種菊每至秋日繁花滿庭時招同人宴賞當賦詩以寄興云

詠菊

叢叢秋色映煙蘿老圃霜飛未改柯氣可淩寒無礙瘦品能耐久不嫌多一庭清影超塵垢三徑幽香伴嘯歌好約前溪素心侶東籬晨夕試相過

和趙屏山

宗藩

去之茗上作詩留別原韻

天涯游躅轉如蓬傾蓋歡心水乳融醉引壺觴同傲俗笑看
杖履各成翁君與余同辛丑生百年吟席留眞賞千里歸帆指遠空

此後相思隔江樹離愁題寄彩牋紅

題許秀山琴鶴圖

流俗不可侶伴身惟鶴琴山空涼月皎亭古綠陰深雙翮有
仙骨七弦皆道心幽居愜眞賞長此滌塵襟

董名問

字于襄號迂樵鄞諸生

徐錫珪撰墓誌名問性狷介侍郎邵洪重其學延之課
子卒以避色辭去嘗曰士必砥礪名節而後文章乃可
觀以待身教後進經學不向空談所校古籍尤精審知
府姚某貪汚庇隸禍諸生眾憤聞姚某謂名問實使之
捕繫被斥名問既被禍日窮周易曰使聖賢
處吾輩地當不如此也蓋其所見益深矣

次韻悔廬凌水軒

人生磊落天地軒茲獨胡爲罹奇冤凌水卑棲臭穢繁擾擾

隸卒同朝昏高低祇看手覆翻狂噬不異犬狺奔局鏑深嚴
牢閉門使我頽翻如鴟蹲相對幸有同道存襲芳慰藉貽荃
蓀顧惟夕膳與晨餐淚涔何處招鄉魂倦極倚倒鼻息喧攢
肌苦遭蟣蝨屯我思此戾聲暗吞嗟哉禍始蠅集樊終不肯
將逝舌捫東林黨錮且勿論仰視日光渾渾子身妄希薄
俗敦精誠何由感

九閭徒令望天先戴盆

張本均

字靜泉鎮海諸生署鄧筌詩鈔

黃浦日鄧筌選蛟川者舊詩雖不及後來詩繫之詳然亦留心文獻者也

曉發丈亭

丈亭江渚泊夜半落潮痕棹響驚殘夢帆馳失遠村乾坤容
傲骨風雨盪吟魂贏得蘭交在開尊與細論

雜詠

今古紛紛任所行
幾人溫飽謝縈情
貧如原憲知非病
嬾到嵇康反得名
多怒未應隨酒發
不平聊復借詩鳴
試看世事浮雲似
愧我疏慵過此生

張熙純

字緝軒
涿人

剡谿用康樂赤石泛海韻

揚舲溯翠微
寒蟬鳴未歇
崖窮澗道開
煙深林影沒
哀淙漱雲根
明瀾鑑秋髮
沙嶼恣沿洄
谿山自映發
嶺表送斜暉
巖端吐纖月
時聞石瀨喧
遙見樵蹤越
芳樽還共持
高詠詎能闕
遠情寄空濛
乘運任淹忽
眷茲曠世樽
雲蹤繼前伐

陳榭箕

字應選
新昌稟貢官
嚴州府訓導
祀鄉賢
著適可山房詩稿

余經曰君素德清規有太邱家範遇邑善舉陽施陰德終身無倦容暇則寄興詠吟風致淡遠

夜泊清涼寺

深竹當門入綠雲山僧禮數笑殷勤雨聲斷處鐘聲續嵐氣
濃時水氣薰應有老猿來聽講偶招癯鶴與聯羣浮塵那得
清涼境禪榻經春百感紛

夏

鼎字文鑑黃巖巖貢著
春草堂詩鈔四卷

縣志鼎自幼醇謹父母疾躬侍湯藥恭兄友弟存歿如一與季弟尤篤愛爲文淵雅精密教授生徒多所成就

送李少伯歸江南

河梁珍重別黃葉下秋水問三湘遠人從百粵還風聲生
馬足星影落刀環好訪陽春客留心七澤閒

朱

檀字帝園號鶴舉西崖子浦
江歲貢著抱膝軒秋吟

曹開泰序畧甯園詩清新俊逸杆柚子懷所著有四
書經注鄉黨注周易閩義阮文達觀風取閩省第一

過樓芝亭墓下

墓在城西門內東湖
塘已淺土六年矣

生離每苦日三秋死別那堪土一杯南浦送君曾北轍東湖
遇我又西州六年逝水悲吾道幾樹鄉枌起暮愁醉眼不禁
衰淚落豈惟情好爲交游

題曹珩圃院長宜絃堂詩鈔

六卷詩鈔五百篇宮商無字不宜絃初唐典贍駱臨海當代
聲華曹月川林壑主盟歸一席棗梨傳世或千年趨庭記得
商刪定徹夜篝燈手此編

壽項西溪六十

胥山才子項子京能畫能詩篆能寫風聞吾家竹垞翁求諸
近今能者寡先生書法有淵源早似韓門孟東野擘窠大字
揭秦碑蝕薛蟠蚪琢漢瓦滿壁滄洲尤老蒼秃管一枝任揮
灑能詩不必競詩名海棠無香自妖冶汭江東西羅甲第茵

閣參差雜蘭若坐此款識署西溪流向人閒不停瀉終年毋
乃苦太忙往往埋頭到燈炮人患才少君患多作蘭由來被
纏惹借問潤筆博幾金果否充盤足魚鮓伊我開口喜論詩
餘者掉頭若聲啞插腳才與不才閒閒作場師辨梧櫨古人
正筆先正心福澤所關非苟下所以徵明八十餘細皺蠅頭
特淵雅看君筆力乃壽徵請卽斯言爲祝嘏

程振萼

字韓齋淳安廩貢官太平教諭

感懷

溽溽曉露聚荒煙冉冉流光擲少年李廣何曾負猿臂馬周
常自惜鳶肩朱門酒肉幾人厭陋室琴書自在眠可喜深山
麋鹿在相逢應有采芝仙

鮑

臺

字石芝平陽歲貢著一粟軒詩文集

吳承志曰君文率意抒寫不及華文漪漣蓬原齋文鈔之
脩潔詩則各具所長未可軒輊文漪序雪舫詩稿云石
芝詩逸雪舫詩秀林滋秀序君文集云余於石芝先生
素無傾蓋之歡從桃湖見其詩推爲逸品致書於華君
葉園道欽慕志先生自以此樂以所作相質道光元年合
刻蘭社詩因得領全咏之勝瑤臺鶴飄飄然有凌雲
氣非學青蓮而神似者不能滋秀蓋亦以君詩爲逸與
文漪同意孫學士鐫鳴序云先生詩靈機內運煅鍊自
然質直之旨雅近香山古淡之音直追韋孟其胸次浩
然性情篤厚未嘗有惑時嫉俗之言與夫憂老傷貧之
意蓋先生志潔而爲詩冲融淡妙其拔出塵俗不可以
里計也故發而爲詩冲融淡妙其拔出塵俗不可以
君年逾大耋道光乙巳重游頻水又十年而沒
飲酒

萬古此一日一日此一時斜陽落未落戀此芳樹枝清風不
可名吹我葛巾敲翩翩雙蝴蝶交交兩黃鸝與爾亦何求相
遇忽在茲此中有深意陶然醉一卮

畱別周香溪

淮

孝廉

秋風催遠棹暮雨壓孤篷溪流亂人語激石聲琤琮話別殊
未了山寺已聞鐘去去渺何極歸雲暗幾重我心隨明月挂
在松山松

新月

微風動竹梢新月窺林薄露珠凝碧蘚清光搖翠幙抱取素
琴彈惻惻驚別鶴美人亦未來雲山悵寥廓

題福鼎林初秋先生快軒詩集

風人去已久正聲不可求皇琴與下里流俗相嘲哂夫子起
閩海意氣凌嵩邱手弄明月珠高跨白玉虬雷霆生睽陽河
漢瀉清秋時而變平淡九達任夷猶曠懷陶彭澤逸思韋蘇
州懿哉大雅材而崇下士脩美人結環佩蘭芷采芳洲良工
無棄物美惡期兼收垂青及下走猥以瓊瑤投捧之日三復

妙義思窮按顧無飛鳧鳥雲路終悠悠安得託孤鳳一爲摩
天游

秋日過石門看瀑布懷劉文成公

我騎白鬘浮江來江上波浪吼如雷須臾長風掃秋雨奇峰
洗出青崔巍琪花瑤艸非人世洞天石扇訇然開延緣一徑
入謾謾松聲催雲根萬丈忽中裂飛泉散作千瓊瑰黃河落
天走東海對此可以傾金罍勝地名山萬萬古英雄豎子同
塵埃君不見誠意荒祠倚蘿薜遺碑剝蝕生莓苔昔人一去
不復回溪流日夜聲喧豗拂衣欲去仍徘徊桃花流水思悠
哉會向仙人借黃鶴余將迤邐入天台

一粟軒醉歌

來日未來猶混沌去日已去如流泉人生百年一炊黍議輪

急節無停鞭魯陽小豎子揮戈乃浪傳夸父矜絕足汗流倒
影渴死誰爾憐豈知元會生一息一息何殊千萬年眼底寸
陰不自惜前望後顧空眊眊所以達士達快意惟當前飢來
飯困來眠陸行車澤行船一杯入手天美祿暫時小敘前因
緣百年隨物化化至任推遷下與凡民共日用上與元氣同
迴旋月或墜而食星或踏而顛金石或銷爍川岳或崩竊此
理亙古不磨滅往而非往來亦然橘中叟壺中仙守中而抱
一神氣常縣延桃花流水在人世三才萬象齊貫穿訓詁陋
儒欠磊落莊列小言何詹詹新詩賦罷一長嘯高浮大白問
青天

三獅圖爲潘筠畦別駕題

吾聞狡狴日走五百里遙遙底貢自條支宗慤假之克林邑

繪像迴勝蒙臯皮誰爲貌此馴伏狀大獅中坐少獅隨一獅
履尾立舉爪跳躑昂頭窺一獅出腹下目光睽暘毛毳毳厥
狀雖小骨骼奇其氣已卻千熊羆生兒如此差快意景升豚
犬那得幾左顧右盼俱娛嬉養威不用守其雌不然軼材自
恃搏象力人閒恐有狼山狸況今郅治追黃義龜圖麀藪鳳
來儀所長在仁寶在慈佛家五指化何爲獅乎獅乎長百獸
君子鑒之當三思

贈林峰寺上人

吾師真達者覺岸早攀躋學道驅三孽談詩解六迷鐘聲傳
別澗樹色隱招提何日同元亮幽尋到虎谿

早行

早行山逕滑曙色正熹微艸露時沾轡溪雲半染衣秋生葭

菱岸水激桔槔機鳳嶼諸親舊相過在益稀

晚晴

樹暖鵲鳩暖艸香蝴蝶喜朝來山上雲化作溪頭水

梨花

階前瓊樹枝媚此豔陽月澗戶寂無人紛紛落香雪

哭悟雪子

七尺鬚眉玉立身襟期灑落不沾塵平原度好宜絲繡叔寶
神清是璧人紅桂軒開曾對酒紫蘭花落共傷春祇今飛鳥
歸何處故苑西風涕泗頻

遊荆山

萬樹松風夾道迎芒鞋纔著覺身輕溪花顧我忽相笑山鳥
無人時一鳴淡淡雲峰遙入畫泠泠石溜瀉餘清憑高且學

孫登嘯颿去何天鸞鳳聲

舟過七里灘

鑿破雲根一綫通羣峰環合翠濛濛
風迴帆轉山腰裏水落舟推石齒中
荒徑無人疑有虎帛書欲寄少來鴻
平明陡覺天光豁望見朝暎海上紅

過鳳山舅氏周月軒先生故居

朝攜阮屐展鳳山西庭院荒涼草色迷
頭白主人今不見落花無語鳥空啼

聞畫眉

寂寞妝臺生網絲鵲釵敲斷幾多時
五更夢醒匡牀冷獨倚屏山聽畫眉

王夢篆

字文沙遂昌巖貢
著窺園詩鈔四卷

府志夢篆篤志好學酷嗜吟詠遊并冀得山

川之助詩益工晚年為梁山舟太史所賞

不喜仕進讀書一室其詩清若秋露胸無點塵

緝雅堂詩話文沙五言如無才猶眾思有業竟長貧寒

花獨自發野草不知名二分明月了一片夕陽低斜日

澹又澹高山孤不孤七言如籬落早梅香壓帽艸堂殘

雪夜開尊葉墮空階蟲借宅雲迷深樹鳥知巢新筍白

生歸市簍野花紅雜下山樵棋未著殘終竟局花當開

後又逢春書為空函羞屢寄跡因多病轉成疏律意均

擬古

膏露滴空谷蘭芽日已茁芳氣淡淡生清風泥披拂紉佩人

不逢巖壑匿幽質視彼桃與李朱白豔朝日無言自成蹊乃

知眾所悅

明月照虛幌洞房流輝清美人甘岑寂彈琴寄遙情花影忽

凌亂好風入窗櫺自得弦中趣復餘弦外音詎謂知者希調

古無人聽

楊朱泣歧路墨翟悲素絲多方乃喪生有染易成緇聖人貴
葆光六鑿當自持屈蠖與蟄龍升沈各以時南山有故居眷
此元豹姿

郡城雜詩

蓮城廣廈少比屋有餘塿樹種紅檉柏花開白木棉晨蔬春
韭美晚市鯽魚鮮問土休嫌瘠民風憶葛天

答趙丈石函武林見寄

鶴望江城隔萬山冷官謝去況蕭閒早稱名士東西浙老臥
空園十五閒時丈寓武林門十五閒園筆陣無人爭健腕藥籠有物駐童
顏幾時得趁樵風便一訪金牛福地還

大水歎

戊申五月二十一溪水入城高十尺受災偏在城西隅沸地
波濤如搏激百堵高牆一呖摧勢奪坤輿無氣力棄蹤惟知
負父逃褰裳或復援嫠溺就中嫠婦少提攜抱柱梯空延喘
息釜沈三日斷炊煙腳赤頭蓬面黧黑夜來山鬼共爲鄰燐
火熒熒互明滅長隄高岸盡摧殘遑問中田疆與場昨聞天
災傾東南歛睦三衢更慘感盈甯百室葬江魚江上冤魂招
不得吾鄉幸免作波臣好生誠荷皇天澤縱沒禾苗萬頃田
甘心不上災傷冊

宋處士尹起莘祠

有宋徵文獻先生手澤存學資魯史正名列布衣尊俎豆承
賢裔祠堂近聖門向來香一瓣特爲擷芳蓀

遺愛祠

祀明知縣
湯顯祖

臨川才子孰追攀飛鳥無心到此閒一代詞臣傳玉茗三年
吏隱賦刀環田園歸去陶彭澤俎豆長留元次山爲愛清風
思亮節遙情高寄暮雲閒

謁劉文成公祠

在青田縣石門洞

文成功業炳千秋圯上隆中足與儔諸葛尙憐扶後主沛公
眞幸遇留侯明珠曾見遺滄海寶劍長看射斗牛今日枯蒼
憑弔客誰來不說帝師州

命世才生豈偶然如公終始亦迍邐一官梅福輕投劾半夜
劉琨起著鞭語爲僨轅微忤旨恨餘歸里旋生天至今覆瓿
翠眉集贈多人閒五百年

兩浙輶軒續錄卷二十一